



Хъинсса дус яла хъунмур ххазинар

Чиваркуннал дянив ур чинсса чувнан, чумартсса дакИнил залуннан, Лакку билаятрал ва Дагъусттаннал лайкъсса арсан, ЧСапарбаг Абдуллаевлун вай гъантрай хъанахъиссар ниттил увну 80 шин.

9
лаж.



ЧАРЧИ

№5
(2223)

9 ФЕВРАЛЬ 2024 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкIссар 1917 ш.
Цунил итабакълан бивкIссар 1991ш.

Ванил цIа учайхту, залданувуцири лавай бивзунни



Мероприятиелий Аьрасатнал Президентну цIунилгу Владимир Путин увчIавриха зузисса централ штабрал сопредседатель Владимир Машковлул Путиннул вихшаласса инсаннал удостоверениене дуллунни Аьрасатнал Виричув НурмаIаммад ХIажимаIаммадовлул нину, Сапижат Мазаевахъхьун. Ванил

Февраль зурул 6-ний Москавлив хъусса «Единая Россиялул» Хъаннимур дастталугърал форумрай Дагъусттаннал делегациягу гьуртту хьунни. Ва форум цурдагу «Цашиву. Ххувшаву. БучIантIимур» тIисса цIанилу хьунни. Билаятрай 140 азарунниха ливчусса активисткахъул бур «Единая Россиялул Хъаннил дастталулу». Вай цивпагу хъунмурчIин СВО-лий талатиминнан кумаг буллалисса, личIи-личIисса мюнпатсса проектру бартдигълагъисса душру бур.

цIа зумух ласайхту, залданувуцири лавай бивзун бавцIунни

Виричув тарбия увсса ниттил хIурматран. Къулагъас

дунни мероприятиелий Дагъусттаннал цайми душваврахгу. «Единая Россиялул» Генсоветрал Секретарь Андрей Турчаклул Дмитрий Медведелул цIаниясса Барчалагърал чагъар буллунни СВО-лий жан кьурван дурсса жагъилнал ниттин Ххадижат Сайкумован. Бувсунни Барчалагъран лайкъ хъушиву, къашай хьуну,

форумрайн бучIан къавхъусса Елена Ельниковагу. Ва «Единая Россиялул Хъаннил дастталугърал» региондалул координаторди.

ПатIимат РАМАЗАНОВА

Суратрай:
Владимир Машков
Сапижат Мазаевахъхьун
удостоверение дуллай

МахIачкьалалив, Оьруснал театрдуанул хьунмур залдану, хьунни Дагьусттаннай Кулпатрал шин тIитIлатIисса шад-дугьрал мажлис. Шикку гьуртту хьуна Дагьусттаннал ХIукуматрал, Халкьуннал Мажлисрал вакилтал, ЗахIматрал, Культуралул, Цуллу-сагьшиву дуруччаврил ва КIулшивуртту дулаврил министрстварттал зуалт, чIявусса оьрчIру бусса кулпатру, мукунма хасьсса аьралий операциялий гьуртту хьанахьминнал кулпатру.

Дагьусттаннай чIявуссар лайкьсса кулпатру



Театрданул фойелулу тIиртIуну дия МахIачкьалалал Художестволул школаулу оьрчIал суратиртгал выставка. Ва иширан хасну лархьун дия «Сердце России» тIисса кулпатрал вилахрал лампада. Ва хьанахь-иссар билятрал гьарица регионалий Кулпатрал шин дайдишаврил лишанну. Шиккува халкьуннал сьнатиртгал мастер-классру ккаккан буллаи бия УнцIуллал, Кьай-тагьулал, Ахьушиял, Дахадаевулал ва Тарумовский районнаясса кулпатру.

Мажлис байбивхьуна Расул ХIамзатовул шеьрилийну ва «Лезгинка» ансамблданул кьавтIаврийну. Хьирив мероприятиелул гьуртгучитуран ккаккан бовна Аьрасатнал Президент Владимир Путиннул кулпатрал хIакьиривусса ихтилат.

Мажлисрайн бавтIми барча бовна Республикалул бакIчи Сергей Меликовул. Цала ихтилатраву ванал кIишI лавгуна Кулпатрал шинал цинявпагу кумаграх мюхтажсса кулпатиртган кумаг бантIишиву. Регионалул бакIчинал бусласимунийн бовну, кулпатиртгал чIарав бацIаву, кумаг баву паччахIлугьрал социал политикалул хьхьичI ххуттайн лавьсса масьала бур.

– 400 азарунниха ливчусса Дагьусттаннал кулпатиртгава 125 азарва шанма ягу ххишаласса оьрчIру бусса бур. ХIакьину шиккун бавтIсса цинявннал цаниятун барча бан ччай бур чIявусса оьрчIру бусса, бавкьусса Казанбиевхьал, Султановхьал, Нукаевхьал, Ибрагьимовхьал кулпатру, чIярусса шиннардий ирсирай ца

пиша нани бовсса цанихьсса династияру: Дагьусттаннай яла хьунмамур педагогический стаж бусса Сунгьуровхьал династиялул 53 вакил, ччанияцIавасса медициналул династиялул вакилтал Талибовхьал (вайнал аьмсса стаж 640 шинайн бивсса бур), УнцIуллал тIаннуу накьич дишаврил устартурал МахIаммадаьлиевхьал династия. Барчаллагь учин ччай ура хасьсса аьралий операциялий гьуртту хьанахьминнал нитти-буттахь ва мачча-гьаннахь. Зул хIурматту, кьадру-кьиматту жучIа хьунмассар, – увкуна Республикалул бакIчинал. Ванал бовсуна Кулпатрал шинан хас дурсса мероприятиртту республикалул циняв шагьрурдай ва районнай хьунтIишиву.

Ахирданий Регионалул бакIчинал дулуна паччахIлугьрал наградартту личи-личIисса пишардал династияртгал вакилтуран, чIявусса оьрчIру бусса ва цачIу ялапар хьанай 50-нний лирчусса шинну хьусса кулпатиртган.

Мероприятиелул хьамалтуран ккаккан дурна Дагьусттаннал машгьурсса балайчитал, хореографиялул коллективру гьуртту хьусса концертрал программа.

ДакIнийн бутан, Кулпатрал шин баян бовссар Аьрасатнал Президентнал ХIукумлийну. Муни дайди хьуссар январь зурул 25 - нний, «Родные – любимые» тIисса Щалагу Аьрасатнал форумрай, Москвавил хьусса «Аьрасат» выставкалул лагрулий. Тикку гьуртту хьуссия Дагьусттаннаясса МахIаммадаьлиевхьал ва Казанбиевхьал кулпатругу.

Анриана АБДУЛЛАЕВА

ХIукуматрал лавайсса даражалий бартдиргьунни Дагьусттаннал бакIчинал Рисала

Февральданул 7-ний Дагьусттаннал ХIукуматрал председатель Абдулмуслим Абдулмуслимовул дунни 2023 шинал Дагьусттаннал бакIчи Сергей Меликовул Халкьуннал Мажлисайнесса Рисалаулу дурсса тапшурлугьру бартдигьаврил масьала ххалбигьлагьисса батIаву.



БакIрай премьер-министрнал вичи дирхьунни зунтгал районнай гужьсса марч бишаврийнугу, хьунмасса марххала баврийну хьусса тагьарданул хIакьиривусса докладрах.

Тагьарданул хIакьиривусса ихтилат бунни ДР-лул граждан обороналул, ЧС-рал ва тIабиятрал апагIиртгал заралул бухлаган баврил министрнал хьиривчув Эльдар Атаевул. Ванал бовсунни февральданул 5-7-ний, гужьсса марчгу бишлай, хьунмасса марххалагу бовну хьусса тагьардания.

Атаевул тIимунийну, лавгьсса гьантрай регионалий личИнурацца тагьар шаву сияхI-райн ларсун дакьар. СияхIрайн лавсун бур 4 иш. Авария шаврийну чани левшун бур 15 муниципал районалийсса 133 шяраву ва МахIачкьалалив цаппара кIантурдай. ЦIанасса пурттувугу дуллайнма бур авариялулуцIунсса давуртту.

Яла бавтIминнал ххал бивгьунни кьинилул агьамми масьалартту.

Республикалул ХIукуматрал председательнал дакIнин бовтунни ДР-лул бакIчинал Халкьуннал Мажлисайнесса Рисалаулу агьамми положениартту бартбигьаву мурадрай личИсса хIукумлийну цIакь дурну диркIшиву хасьсса мероприятиртгал план.

«Экономика лядуккан давриву дурну диркIссар балжисса тапшурлугьру – дуккавил, цIуллушиву дуруччаврил, культуралул, спортрал, туризмалул, шя-

раваллил хозяйство, промышленность лядуккан давриву. Жунма аьркинссар утгисса тагьардануу цачIун хьун, лагма лаган, влаьтIрал циняв органнал аьркинссар ттинияр тихунмайгу чялишну гьуртту хьанан жулла республикалул лябуккулул давурттаву.

ХIакьину жура дуллалиссару цачIу дурсса давуртгал хIа-силлу», – кунни Абдулмуслимовул.

Республикалул бакIчинал тапшур бовну бивкIссар «Кикунинский завод» ООО зузи бовван. ХIакьинусса кьини завод зий бур, микку дузал бовну бур 45 зузи кIану. 2023 шинал заводрай занакьулу дурну дур 1, 23 тонна ахьулсаннул ва ахьнилсаннул.

«Формирование комфортной городской среды» проектрал лагрулий ккаккан дурсса давуртгал план шаллуну биттур дурну дур: дузал бовну бур 144 кIану (территорияртту), миннува 33 хIаят ва 111 жьматгийсса кIану.

Чялиш дуккан дурну дур Хасавюртулал ва Дарбантулал лагмасса ххуллурду баврил давуртту. Дайдирхьуну дур МахIачкьалалалив хьхьирил машлул портрацIансса ххуллул проектрал даву.

Терек нех сантирайн дутаву (оздоровить) мурадрай Росводресурсиртгал, Росрыбководстволул ва ДР-лул ХIукуматрал, комиссиялул даражалий нех ххалгу диргьуну, хIадургу дурну, цIакьгу дурну дур 2025 шинайнни регион-

дали нех дуккавил кьаршину дацIансса ва тIабият дуруччаврил мероприятиртгал план.

Республикалул бакIчинал тапшурлугь бартдигьлай, школардай ва колледжирттаву шуруши дуллаи бур проект «Самбо школай». ДукIу октябрданий дурну дур самболул ДР-лул Первенство. ПIандалий бур хIадур уван самболул дарсру дихьлансса 100 учитель ДИРО-лул базалий.

БатIаврий хьунмур махь лавхьунни ДР-лул экономикалул ва территорияртгал лябуккулул министр ХIажи Султановул. Ванал бовсунни ДР-лул исполнитель влаьтIрал жаваблусса органнал дурсса давуртгал хIакьириву. ХIажи Султановул тIимунийну, влаьтIрал органнал тамансса давуртту дурну дур Дагьусттаннал бакIчинал Рисала биттур даврил ххуллий.

– Дурсса отчетирттайн бовну, 2023 шинал шаллуну бартдиргьуну дур 54-ннивацца 47 даву. ЛирчIминнуха цIанугу зий бур. Ми дур промышленностьрал ва шяраваллил хозяйстволул предприятиртту бансса аьршарал участокру ккаккан даврицIунсса, МахIачкьалалалив ва Каспийскалал агломерация лябуккан баврил норматив-праволул база дузал баврицIунсса давуртту», – кунни ХIажи Султановул.

ДР-лул цIуллушиву дуруччаврил министр Татьяна Беляевал бовсунни СВО-лул гьуртгучитуран ва миннал кулпатиртган, ливтIуминнал кулпатиртган медициналул кумаг баврил масьалартта.

Туризмалул масьалартту бартбигьаврил давурттая бовсунни ДР-лул туризмалул ва НХП-лул министр Эмин Мердановул.

БатIаврий махьру лавхьунни ДР-лул дуккавил ва элмулул министр ЯхIия Бучаевул, ДР-лул строительстволул, архитектуралул ва ЖКХ-лул министрнал кIанайма Бахттияр Уллаевул, Халкьуннал Мажлисаулу Дагьусттаннал бакIчинал вакил Нюсрет Оьмаровул.

БатIаврил хIасиллу дуллаи, Абдулмуслим Абдулмуслимовул тапшур бунни лирчIми давуртту бакIуйн дуккан дуван ччясса мутгаллий.

ХIадур бовссар ХI.АБДИЛОВЛУЛ

Криминалданул хаварду

ИНТЕРНЕТРАЙХЧИНССА ДАХХУ-ЛАСУЛУВУ ХЬЯВРИН ХЬУРЧА

Балики зува интернет-хIарам-задатурал хьяврин барча, анаварну зува ялапар хьанахьисса кIантурдайсса ихтияду дуруччай органнайн буккьяра, миннал, аьркинсса хьиривлявуртту дурну, уголов дело сукку даншивул.

Полициялул зуалтрахь хIарам-задатурая гьарзат зунма КIулмур (сайрал адрес, расчетный счет, электрон почталул адрес, телефоннал номерду) бусияра.

Агана зува интернетрал сетьрайхчин ци-дунугу ласун ччай хьурча, анавар кьабувккун пикри

бувара, хаснува ми арцу дичияра тIий бухьурча. Интернетраву ччимур дахлай дикIайссар, амма зунна ласун ччимур цукунсса дуссарив интернетраву кIул дан захIмат хьунтIиссар.

Цичулийгу, цахьисличIуллушиву дарча, хьяврин кьахьунтIиссару.

КIул дакьасса сайтрай цидунугу заказ даннин, ххуйну кIул бара му сайтрай, буккьяра цайминнал муния чивчумур.

КIул бувара дахху цу уссарив, ххал бувара мунал даврия ци тIий бурив. Ялагу, хIисавравун ласун аьркинссар цаппара затру. Масала, дахлахимур хьиннура кьоркьусса духьурча, даххул адрес ва телефон

ккаккан дурну дакьахьурча, ххуйну пикри бан аьркинссар. Бюхьай-ссар зун кьалпсса зат дахлай бикIан ягу, хьяврин бовну, зува арцу дуккан ччай бикIан.

Цанасса цIумал интернетраву гужну шуруй дур хIарамзадашиву.

Инсантал хьяврин бансса цуцIусса ххуллурду ляхьлай бур.

ЛичIлулу бикIяра укунсса кьатIухьхьун кьабириян.

КИЯ ИНСАН ОЬРМУЛУЦА ХЬУННИ

Февраль зурул 6-ний, сьят 20.00 хьусса цIумал, Кьумтуркьалалал районалий, «Кавказ» федерал ххуллул бутIуй, Кьизилпортулал районалийсса 26 шинавусса жагьилнал шун бовну бур зия хьуну бавцIусса машиналийн ва

чIарав авцIусса мунил залуннайн – 45 шинавусса Ставрополал край-раясса адаминайн.

КIяйгу водитель усса кIанай кьуртал хьуну ур.

ХЬЯВРИН БОВНУ АРЦУ ЛАРСУН ДУР

МахIачкьалалал полиция-лул зуалтрайн бовккун бур шиккува ялапар хьанахьисса 45 шинавусса хьамитайпа.

Ванил бусласимунийн бовну, ларгьсса шинал ноябрь зуруй кIулсса адаминал ваница 190 азарда кьоруш ларсун дур социал выплатарду ласлай кумаг банна куну.

ЦIухху-бусу бан полициялул отделданийн увцуну ур 46 шинавусса адамина. Хьамитайпалуша ларсь-

сса арцу ванал цанна аьркинмунин харж дурну дур.

МЕФЕДРОН ЛЯВКЬУНУ БУР

Халбигьавуртту дуллалисса МахIачкьалалал патрульно-постовой кьуллугьрал зуалтран Буйнакскалыца 25 шинавусса жагьилначIа, цIухла бивхьуну, лявкьуну бур ххит бусса кьуцуртту.

Экспертизалул кIул бовну бур ми мефедрон бушиву (338 гр).

Полициялул отделданийн увцусса жагьилнал бовсун бур ми интернетрайхчин лавшиву цала баххан.

Ва иширал хIакьириву уголов дело сукку дурну дур.

ХIадур бовссар Анриана АБДУЛЛАЕВА

Февральданул 5-нний ДР-лул ХИкуматрал председателна хъиривчүв Рамазан Жахпаровлул дунни республикалул экономика лядуккан даврил Оператив штабрал батIаври.

Оператив штабрал батIаврий



Гьурттучитурал ххал дир-гунни властьрал региондалул ва муниципал органнал инсантурал лабизавурттах къулагъас даврил хIасиллу ва МахIачкъалаллал жямат щинал дузал баврил, ишла дурсса шин дукъан даврил ва гъилишиврул шаллу баврил системартту цаIун даврил масъала.

Рамазан ЖахIпаровлул тIимунийну, республикалул властьрал органнал дуллайна бур инсантурал оьрмулулу хъанахъисса захIматшивурттал хIакъиравусса лабизавурттал мониторинграл даву.

- Цуксса хIайпнугу, мукунсса чIяруми лабизавуртту дур тIювалул коммунал хозийстволул давривусса диялдакъаши-вурттал хIакъираву. Щанасса ппурттуву чIалай дур инсантурал лабизавурттахсса ва микку ккаккан дурсса диялдакъаши-вуртту духлаган давривусса къулагъас чан хъанай душиву.

Властьрал органнал каялув-читурайн, районнал ва шагъ-рурдал бакIчитурайн, ресурсо-снабжениеилул идарарттал хъуниминнайн тапшур буллай ура ЖКХ-лулу хъанахъисса авариярттал ва ми духлаган даврил хIакъиравусса информация республикалул ялапарлутураIан биян буллан аьркинссар цила чIумал ва шаллуну, - кунни ЖахIпаровлул.

САЙКИ 4 АЗАРАХЪУЛ ДАГЪУСТТАНЛУВТУ- РАЛ ЛАБИЗАВУРТТУ ДИРКИССАР СОЦИАЛ СЕТИРДАВУ ЛАРГМУР НЮЖМАРДИЙ

Ларгсса нюжмардий инсантурал социал сетирдавусса лабизавурттах властьрал органнал къулагъас даврил хIакъираву махъ лавхъунни ДР-лул ЦУР-данул (Центр управления регионом) каялувчи Ислам Мусаевлул.

Ва идаралул ккаккиарттайн буну, ларгсса нюжмардий республикалул властьрал органнал занакъулу дурну дур инсантурал соцсетирдаву къариртун диркIсса 2000-ха лирчусса лабизавуртту ва ресурсообнажениелул идарарттал 1852 лабизаву.

Ларгсса нюжмардий, январьданул 29-нния февральданул 4-ннийнин, ЦУР-данул «Инцидент менеджмент» системалулу

сияхIрайн ларсун дур 3962 лабизаву, ягу мунил хъьичIмур нюжмардийнийн 571 лабизаву ххишалану. Инсантурал лабизавуртту диркIун дур электричество ва дяркъусса шин муданна къадикIаврил, ххулурдал ххуй-оьккишиврул, светофорду къазу-заврил, жяматийсса кIанттурду дузалну бакъашиврлул, оьрчIал площадкарттал, цинци дукъан къадаврлул, кучардаву ургала акъа ливчIсса хIайвантрал хIакъираву ва цаймигу масъалартту.

ЧIярусса лабизавуртту диркIун дур ЖКХ-лул хIаллих-шинну ххуйну къадаврлул хIакъираву.

Муниципалитетирттава яла чIяруми лабизавуртту диркIун дур МахIачкъалалия -175 лабизаву, яла Каспийалия, Дарбантлия ва Къизилортлия.

Ислам Мусаевлул бувцунни инсантурал лабизавурттах хъинчулийсса ва къахъинчулийсса къулагъас даврил мисаллу. Масалдаран, ДР-лул Транспортул ва ххуллул хозийстволул министрстволул дузал буну бур Семендер поселокрайсса ялапарлутурал захIматсса масъала. Миннал тавакъю буну бур ламу букъан буллалисса кIанайсса светофор зузи дуван. Светофоргу зузи дурну дур, инсантал ххуллул тия чулийн лавхъайсса кIанай ххаругу цу буккан буну бур.

БатIаврий ххал бивгъунни инсантал щинал дузал баврил, ишла дурсса шин экирутаврлул ва къатравун гъилишиву дулаврил системартту Цасса оператив (Единый оператор) базалийн цаIун даврил масъалагу. Муния ихтилат бунни ДР-лул строительстволул, архитектуралул ва ЖКХ-лул министрнал кIанайма Бахтияр Уллаевлул. Ванал тIимунийну, хIакъинусса кьини Цасса операторнал сияхIрайн ларсун дур «Махачкалинский горводоканал» ва «Махачкалинские тепловые сети», лирчIми давурттугу дуллай бур.

БатIаврил хIасиллу дуллай, вице-премьернал хIукуматрал члентурайн тапшур бунни инсантурал проблемарттах къулагъас ххишала дуллан, муниципал районнал бакIчитуран - личIиссара тагъар хъувкун, ччясса мутталий тагъар цалийн дудин.

Махъсса ппурттуву республикалий ххал бигълай бур «Ризкьиблизанттал хIакъиравусса» (закон о пастбищах) Республикалул жяматраву масъала ххал бигъаврих къулагъас дуллай бур лухччал, бизанттал личIиссава кIану бугълай бунутIий инсантурал оьрмулулу. Мунийн буну, Дагъусттаннал ХИкуматрал прессадул къулдугърал цаппара суаллу буллунни Дагъусттаннал шяраваллил хозийстволул ва бакIлахъиялул министрнал цалчинна хъиривчүв Шарип Шариповлул хъьун.

Агъамсса масъала

Ризкьилул бизанттал хIакъиравусса закон

- Шарип Исмаилович, ссайн буну къамул дуван аьркинссар му закон?

- ХИсаврайн ласун аьркинссар укунсса зат, республикалул тамансса аьршив хъанай дур ризкь канак буллансса бизантту-ну. Циняв бизанттал лагру дур 2517,3 азарда гектар, ми хъанай дур шяраваллил хозийстволул циняв лухччал 79%, амма билаятрал ризкь канак байсса бизанттал лагру дур дурагу 29 %. Мунияту региондали ризкь ябаву хъанай дур агъаммур даву, ятту-гъаттара ябаврил чулуха Дагъусттаннал бугълай бур цалчинмур кIанугу. Шиккува кIишI бунан аьркинни цамургу зат - ризкь ябаврил къайдарду ва ккаккан дурсса нормарду къадуручлай тIий, тамансса лухччив лирну най дур (деградация), цаппара кIанттурдай бизантту къундалул аьршарайн кIура баллай бур. КIанттурду бур бизантту къатIран татлатиссагу, миннуягу ниъгачIаву дуссар ялун нанисса чIумал социал- экономикалул лябуккулун.

Мура чIумал бакъар цуманал ци дуллан аьркинссарив ккаккан бувсса цила багъайкунсса норматив-праволул база. Микку ккаккан дурну дикIан аьркинссар личIи-личIисса даражалул властьрал органналгу, аьршараха зузи-минналгу, цаймигу идарартталгу дуллан аьркинсса давуртту.

ДР-лул ХИкуматрал председател Аьбдулмуслим Аьбдулмуслимовлул тапшурлугъ бартдигълай, ххал бигълай бур жула билаятралгу, жула дазурдацIухсса къатIаллил билаятирттайгу цукун ишла буллай буссарив ризкьилул бизантту, яла миннул гъанулий дузал бунан шаллусса закондалул база, мунил гъанулий дулланшиврул му ххуллийсса цаймигу давуртту.

- «Дагъусттан Республикалул кIинтнил даэрдал аьршарал статусрал хIакъираву» тIисса Закондалувун лавсун бакъассарив ми масъалартту?

- Цалчин, ризкьилул бизанттал аьмсса лагрулува (2517,3 азарда гектар) так 1726,3 азарда гектар (68,6%) хъанахъиссар кIинтнил къутаннал лухччив, миккун духлахиссар кIинтнил даэрдал лухччиву, паччахIлугърал скотопрогоннал ххуллурдугу, зунттавусса гъинтнил бизанттугу. Ми аьршарал буссар личIиссава статус ва ми дуссар республикалул заллушиврий. ЛивчIмур бутIа - 791 азарда гектар (республикалул циняв бизанттал ягу 31,4 %), бухлахиссар шяраваллил чIаравсса бизантта-вун (присельские пастбища) ва ми буссар муниципал районнал ягу шяраваллил заллушиврий. Ризкьилул бизантту къамонпатну ишла буллалаву лякъин хъанай бур кIинтнил даэрдайгу, шяраваллил чIаравсса кIанттурдайгу. Муния-



Шарип Шарипов

ту даэрдал ризкьилул аьршарал статусрал хIакъиравусса нормарду къадагълагъиссар лавай кIишI бувсса шяраваллил чIаравсса бизанттайн.

КIилчин, кIинтнил къутаннал аьршарал хIакъиравусса закондалул цалийн буцлаиссар кIинтнил даэрдал бизантту ишла баврил праволул масъалартту, амма агъамми агроэкологиялул масъалартту ишла баврилсса низамрайн къабуцлай бур. Мукунми агъамсса масъалартту жуцIава личIлай бур, миннул жуятува тIалав буллай бур ялун нанисса никирттангу аьршарал оьргъашиву дуруччинсса ххуллурду лякъин.

- Му мукун бухъувкун, ризкьилул бизанттал хIакъираву хIадур дуллалисса проектраву кIинтнил даэрдал лухччив ишла даврил нормарду ккаккан дурну къадикIантIиссарив?

- Гъай-гъай, къабикIантIиссар. КIинтнил даэрдал аьршарал масъалартту цалийн буцайссар «Дагъусттан Республикалий кIинтнил даэрдал аьршарал статусрал хIакъираву» тIисса Закондалул гъанулий. Ва закон дусса куцIуй личIлачIиссар ххал дигълагъисса закондалул проекттал лагрулий.

Жунма цинявннан хъинну кIулли кIинтнил даэрдал масъала - му республикалул хъунмасса асар байсса тема душиву ва мунияту Дагъусттаннал каялувчитурал хъинну мугъаятну сукку байссар мунишун бавIусса масъала ва властьрал органнайн тапшур байссар циняв чулухаллал мурадду хIисаврайн къалавсун ва жяматраву гъартану ххал къабивгъуну, цукунчIавсса давуртту дуллай къабайбшин.

Щанасса ппурттуву хIадур дуллалисса ризкьилул бизанттал хIакъиравусса закондалул ккаккан буллалиссар ттизаманнул праволул гъанулийсса шартIру цукун дузал дуллан аьркинссарив ва циняв жураддал бизантту ва лухччив цукун мюнпатну ишла дуллан аьркинссарив агрономиялул, агротехникалул, экологиялул, тIабиаьт дуруччаврил ва цайми-

гу мероприятияртту бартдигъаврийну. Мунийн буну, цал ттигу кIишI банна, ва закондалул проекттал мурад хъанахъиссар ризкьилул бизантту хозийстворттаву ишла баврил агъамсса масъалартту низамрайн буцаву.

- Цуми масъалартту аьркинну бур закондалул ххуттавун ласун?

- Масалдаран, ласунну пулансса лухчиний ризкь канай битаврил масъала. ЛичIину арендатортуралгу, шяраваллил ялапарлутуралгу ризкь хъунмасса хIаллай канак буллай битай бизанттай канансса уртту ду-дакъашивруху къабурувгун. Мунийну пасат хъанай дур аьршарал ялусса оьргъамур къат, духлаглай дур ххяххияртту, чIун лагрукун, микку хъанай дур къундалул аьрши. Махъсса ккаккиарттайн буну, республикалий хъуну дур 150 азарда гектар къундалул аьршарал. Агарда микку ччясса мутталий аьркинсса давуртту къадуварча, аьрши ххассал дуван къахъунтIий дур. Мукунсса тагъар дур арнил зоналийгу, зунттал кIанттурдайгу.

Ягу шяраваллил чIаравсса бизанттай цаппара кIанттул ялапарлутурал ябуллай бур чIявусса ризкь, мунийну къалмакъаллу хъанай дур шяраваллил жяматрал дянив ягу ризкь канай бур автотрассардал чIарав, микку хъанай дур аварияртту. Мунияту жунма аьркинну бур ккаккан буван праволул гъанурду, яла миннуийн чул бившуну хIадур дуван программалул мероприятияртту, тIалав дуван ми бартдигъинсса арцугу, дуван давурттугу.

Ва закондалул проектрай бусантIий бур геоботаникалул хъиривлявуртту даврил масъаларттая, миннул гъанулий бюхъан тIий бур бизанттай, лухччай циксса уртту дуссарив кIул буван (кормоемкость пастбищных угодий). Ми хъиривлявуртту къадурну жуцава къашайссар кIул буван, циксса ризкь канай битан бучIину буссарив пулансса лухччай. Мунияту жуцIара дакъар щанасса ппурттуву праволул нормарду, миннуийн чул бившуну жуцава хозийственниктурахъ учин бюхълай бакъар пулансса бизанттуий ягу лухчиний циксса ризкь канай битан аьркинссарив.

Ми суаллахъунни жура жавабру дулун аьркинсса хIадур дуллалисса закондалул проекттал лагрулий.

- ДакIний бур, ми масъаларттал хIакъираву Дагъусттан бивкIшиву федерал законодательстволулу цаппара дахханшивуртту даврил сиптачину.

- Му тIайлассар, 2022 шинал мартрай Дагъусттаннал бакIчи Сергей Меликовлул АьФ-лул Федерациялул Советрай бувсуна ризкьилул лухччив, бизантту къундалул аьршарахъьун лаглай бушиврул хIакъираву. Та чIумал ванал кIишI бунна федерал органну му иширавух хIала къабуххарча, регионнаша къабюхъан тIий бушиву ми масъалартталсса бунан. Яла Аьрасатнал ХИкуматрал ХИкуму хъуссар Щалагу Аьрасатнал агроэкологиялул НИИ-лул жула альимталу гьурттуну хIадур дуван къундалуштал талатаву дачин даврин хасъсса программа.

Щанасса ппурттуву сакин буну бур ведомстварттал дянивсса зузи группа. Му зунтIиссар лавай кIишI бувсса масъаларттаха.

Лажин хIадур дурссар
ХИ. АьДИЛОВЛУЛ

Пресс-конференция

«Цалчинминнал» съездраг хІасиллу ва асарду



Январьданул 30-нний Москвавил «Движение Первых» тІисса, шинал хьхьичІ хІасул дурсса организациялул 2-мур съезд хьуссия. Ванил даврия «Дагестан» РИА-лий балжину бувсуна ларгсса арвахІкьини кІицІ ларгсса дастгалугьрал региондалулмул отделениелул Советрал председатель, Дагъусттаннал бакІчинал маслихатчи Людмила Саидовал ва активистьтурал – Абдулмалик Абдуллаевлул, Алия МахІаммадовал, Анна Папакинал.



Вайннал бувсуна ВДНХ-лий хьусса съездрай билаятрал 89 региондалисса 3000 инсан гьуртту хьушиву, Дагъусттанная 15 делегат ивкІшиву. Бувсуна амну «Цалчинминнав» бушиву 4, 7 миллион оьрчІал, миннавугу 87 азара - Дагъусттаннаясса.

Съездрай ларгсса шинал дурмунил хІасиллу дурну дур.

– Съездрай чІявусса агьамсса масьалартту гьаз бувна, вузирдал студентьталгу «Цалчинминнавун» кІункІу буваншиврул, 25 шинавун бияннинми кьамул булансса хІукму бувна. Вагу тарбиялул даву хьун дуллаллисса хІукмур. Бюхьайсса кьсса чІявусса оьрчІру ва жагьилтал мюнпатсса давурттаун машхул бувавур гьа-

нумур мурадвагу, – увкуна Людмила Саидовал. Ванил бувсуна «Цалчинминнал» Советрай, оьрчІру цукунсса проектирдаву гьурттушинна дуллау буссарив, цуми масьалартту хьхьичІ ххуттайн лавсун буссарив.

Съезд лакьлакьисса церемониялий гьуртту хьуну ур Аьрасатнал Президент Владимир Путингу. – Зумух ласунамагу кьасислисса хиял бартавгунни. Жула билаятрал Президентнашал архІал гимн учинсса. «Цалчинминнал» кьукьравуминнал Ватандалухсса ччаву дазу дакьасса душиву асар хьанай бия, – увкуна Алия МахІаммадовал.

Ахирданий Людмила Саидовал Аьрасатнаву Кулпатрал шин баян бувсса шадлугьрал церемониялул гьурттучитурал диплом буллауна чІявусса оьрчІру бусса, Каспийскалиясса Казанбиевхьал кулпатрахьхьун. Ва «Цалчинминнал» правлениелул председатель Григорий Гуровлул ва Аьрасатнал захІматрал ва социал иширттал министр Антон Котьяковлул, Жагьилтурал иширтталсса буллаллисса федерал агентстволул каялувчи Ксения Разуваевал кьулбасру дусса диплом бур. ДипломрацІун дуллунни «Больше, чем путешествие» тІисса программалуву гьуртту хьунсса ихтияр дуллаллисса сертификатту. Ва «Шинал кулпат – 2023» конкурсрай, «Аьрасатнал династиярду» тІисса конкурсрай «Кулпатрал рецептру» номинациялий ххув хьусса, ВДНХ-лийсса «Родные-Любимые» тІисса форумрал лагьрулий цигьуртурал гьунар ккаккан бувсса кулпатри. НахІуваннахІусса буркивгу бувну, жюригу, гьуртту хьанакьимигу хьамалу бувсса. Кулпатрал заллу Каспийскалал 2-мур школалул директор Аьлибаг Казанбиеври, цувагу СВО-лий Чувшиврул ордендалун лайкь хьусса.

Патимат РАМАЗАНОВА

Лакрал райондалул бакІчинал цалчинма хьиривчув Абубакар Кьюннуев ивунни Ххутрал ва Чуртташиял шьраваллаву, шикку буллаллисса ФАП-ирдал ялтту уккан.

Вай буллау бур «Модернизация первичного звена здравоохранения» тІисса федерал программалул лагьрулий.

Лакрал райондали

Халкьуннансса кьулайшинна

КІивагу ФАП бавтІун кьуртал бувну бур, дуркІун дур миккун аьркинсса оборудование. ЧІал кьавхьуну байбишин тІий бур зий.

– «Здоровье» тІисса национал проектрал лагьрулий махьсса шиннардий паччахІлугьрал зузи дурсса «Модернизация первичного звена здравоохранения» тІисса федерал программа шьраваллау. Мюршими тІурча, дархІуну дия ми ФАП-ирдацІун. Архсса зунттал шьраваллаву, хаснува кІинтил кьанатсса шартІирдаву, анаварсса иширай гьан-бучІан жапасса иш бур агьалинан. Мунияту ва программа жула зунттал районнал медицина хьхьичІуннай шаврин кьулайсса дур. Ялун дуркІсса шинаву вара программалий буллау байбишинтІиссар уттигу 2 ФАП, ШавкІуллал ва Хьурттал шьраваллаву. Гихуннайсса шиннар-



дийгу хІарачат банну бакьасса шьраваллаву укунмасса ФАП-ру баншиврул ва программалуву гьуртту хьун, – тІий ур Абубакар Кьюннуев.

ДакІнин бутанну, 2008 шинная шийнмай Лакрал райондали бувну бур 13 ФАП.

Уздансса душваврал уздансса даву

«Щардал уздансса душру» тІисса ккурандалул сипталий-хьанакьисса Дагъусттаннал аьралитурал тІайла бувккун бур гуманитар кумаг. Акция хас бувну бур Ватан дуручултурал кьинилун. Ваниву гьуртту хьуну бур 200 хьамитайпа. Вайннул дартІсса 250 азарда кьурушран лавсун бур гьилисса уссал 100 чут, термобелье, чІяруну ишла дайсса затру ва лахьисса чІумуй яшайсса дукья.



– Зу жул дакІурдива тачІав кьабуккайссару. Щала Аьрасатнал ниттихьул зуха дуаьрдай буссар. Жул оьрчІру паракьатну оьрму бутланшиврул, зу мийх дьякьиву, оьрмулул ва бивкІуллул дьянив буссару. Ябаннав зу Заннал! Бурувчуну бикІияра зула зувагу. Кьамул даннав Заннал жу дуллаллисса дуаьрду! Чьясса мутталлий Донбассрал аьршарай дакьавугу щакь дурну, кулпатирттал ялун бувкІсса кьини дучІаннав!», – укунсса лабизавуртташалсса видеороликругу дия Щардал душваврал аьралитурачІан.

Щардал школалул дуклаки оьрчІалгу чивчуну бия ялун нанисса Ватан дуручултурал кьини барча дуллаллисса чагьарду. Ца хьхьу-кьини кумаг бивну бур

аьралитурачІан.

– Барчаллагь зун, Щардал уздансса душрув зул уздансса даврихлу! ПаччахІлугьрал жу ссахчІав мюхтажну кьабитару. Амма мудангу тІааьнну бикІай Дагъусттаннал хьанния, дуклаки оьрчІая ссайгьат кьамул буван. Миннушал жучІанна дияйнутІий зул дакІнил гьилишивугу, дуаьрдугу! Дуклаки оьрчІал дакІнийхтунусса чагьардал жул дакІурдиву гьавас ххи бувай. Махь бакьа, жу занна хьунтІиссару ххувшавришал!» – укунсса жаваб дуркІунни аьралитурая Щардал душваврайн махьуннай.

ДучІаннав жула ялун аьралитал цивппа хьунабакьлакьисса кьини!

ХІадур бувссар
Зулайхат ТАХАКЬАЕВАЛ

Цуссалакрал райондалия

Школардан кумаг бантиссар

Хедж-фондрал гъану бивзма ва трейдер ХАжимурад Сайпуллаев-лул Цуссалакрал райондалул школардан кумаг бан тий ур. Мунил хАкъиравусса ихтилат хуна Цуссалакрал райондалул бакИчи МаматИ ХАмзатов, райондалул КИулшивуртту дулаврил управлениелул хунмур Светлана Кудеева ва ХАжимурад Сайпуллаев хунабавкъусса чИумал.



ХАжимурадлул къртал бувну бур Чапаевкалал школа. Ва цува увкун ур райондалул школардан кумаг бансса сипталий.

Хунабавкъаврий ихтилат хуна КИулшивуртту дулаврил идарарттая, ва сфералу хъхичИ ххуттайн лавсэсса масъаларттая ва ми шаллу бансса чаранну лякъаврия.

– Шанасса оърчИал КИулшивурттал даражалийн хъар хъанай бур жула бучИантИмур. Мунияту ттун ччан бивкИуна, дуклаки оърчИан ххуйсса шартИру дузал даву мурадрай, школардан кумаг бан, – тий ур Сайпуллаев.

Райондалул бакИчинал барчаллагъ увкуна жагылсса меценатнахъ ххаллилсса сипталух.

Субботник дунни

Цуссалакрал райондалий, Цуссалакрал шяраву шяраваллил бакИчи Сулайман Рамазановлул каялувшиндаралу субботник дунни.

Шяраваллил администрациялул зузалтрал, хасъсса техникагу дучИан дурну, дартИуна шяравусса ва лагмасса КИанттурдайсса

ччюрк. МарцИшиву дурна машиналул ххуллул чИарах ва вацИлул КИанттурдай.

– ХИурмат бусса шяравал-

лил жямат, мабулларду ччюрклил бакИурду шяраваллил КИичИирттаву ми дичин ккаккан бувсса контейнердал чИарав, мадичларду ччюрк вацИлул КИанттурдайн, ххуллурдайн.

Бачияра цацИу марцИшиву дуручланну ча жува яхусса КИанттурдай, - оьвчаву дурна шяраваллил жяматрайн Сулайман Рамазановлул.

Новолакря Новостройрайн маршрутка заназу бунни

Цуссалакрал райондалул бакИчи МаматИ ХАмзатовлул тапшур бувну, агъали Цуссалакрал шярава Цуминалийн – «Новострой-Трестрайн» ва махъунмай занансса рейс зузи дунни.

Утти агъалинаша букИланлаглан бюхъантИссар ва графикрай:

«Новолак-Новострой» – нюжмар ва алхИаткьинирдай ссят 17.00 хусса чИумал.

«Новострой-Трест» - Новолак» – ххуллун ва итникьинирдай ссят 07.00 хусса чИумал.

Цухху-бусу бан бюхъайссар ва номерданийн оьвкуну: 8928-508-31-36 (Рашид Жамалов)



Дзюдолул турнир

КИра шин хъунни Цуминалийсса Ахъардал шяраву Цуссалакрал I-мур ДЮСШ-рал (ОьрчИал ва ЧАва жагылтурал спортрал школа) дзюдолул секция тИивтИуну.



Секция тИивтИуна шяраваллил бакИчинал, Ахъардал школалул директорнал ва ДЮСШ-рал администрациялул хИарачатрайну.

Тренер-преподаватель Абли Айтберовлул хъунмасса хИарачат бувну бур оьрчИавун ва спортрахсса гъира бутан.

КИра шинал дянив ниттибутталгу, спонсортуралу ларсун дур шиккун аьркинсса оборудование. Секциялийн заназисса оьрчИру гьуртту хъанай бур личИи-личИсса бьст-ччаллаву, занай бур цайми клубирттаваасса ва секциярдаваасса спортсментурашал хунабавкъин, бугълай бур хъхичИунсса КИанттурду. Уттигъанну Ахъардал шяраву хъунни чИава дзюдоистьтурал цалчинсса турнир. Ванил спонсору, сакиншинначигу хъунни хасъсса аьралий операциялул гьуртгучи Илдаров Эльдар. Ванал цала оьрчИругу занай бур ва секциялийн.

Турнир лавайсса даражалий хъунни. Ххув хъуминнан ва хъхичИунсса КИанттурду бувгьуминнан буллуни диплому, кубокру ва медальду.

Вай гъантрай МахИачкъалалив, Оьруснал театрдану, хъунни ВКулпатрал шин тИитИлатИссса шадлугьрал мажлис.

Шикку гьуртту хъун бувкИун бия Цуссалакрал райондалийсса Чапаево шяравасса чИиви София ва ванил бава Земфира. Театрданул фойелулу тИиртИусса халкъуннал художестволул сьнатирттал выставкалийн вайннал дуккан дурну дия синаьршарая дурсса тИахИни.

Кулпатрал Шинал мажлисрай



ДакИнийн бутан, ноябрьданий, Федерациялул Советрал спикер Валентина Матвиенкол оьвкуну, София ва Земфира лавгессия Москвалийн. Мунинин хъхичИ, «Аьрасатнал тарихрал ва культуралул ирс» тИисса парламентарал форумрал ва «Каспий» тИисса КИулшивурттал форумрал лагрулийсса выставкалий вайннал творчестволул

махИатгал бувну бия Республикалул бакИчи ва Дагъусттаннайн даврил аьрххийлий бувкИсса Валентина Матвиенко. Утти София цИунилгу хунабавкъуну бур Сергей Меликовлушал. София чИявусса оьрчИру бусса кулпатравасса бур. Укунсса цаймигу кулпатиртташал вайннайну оьвкуну бур Кулпатрал шинал мажлисрай гьуртту хъун.

Медаль ларсунни



«Каспий» батальондалу хушрай кьуллугъ буллалисса Цуссалакрал райондалийсса Цуссалакрал шяравасса Зулпукьардул арс Таймураз Рамазанов хасъсса аьралий операциялий лайкъ хъунни «За особые заслуги» медальданун.

Оьрмулун ниьгачИаву дусса тагьарданий ванал уккан увну ур цИарава ТИюхчардал шяравасса Шарапуттин ШайхмахИаммадов. КИиц лаган, Таймураз «Каспий» батальондалу кьуллугъ булланнын шяраваллил хозиястволуха зий ивкИун ур. Ва «Гранит» тИисса шяраваллил хозиястволул кооперативрал председателю ивкИун ур. Ларгсса шинал Донбассраясса лихъачалтран гума-

нитар кумаг тИайла буклакисса акциярдал лагрулий жагылсса ишбазаранчинал арцуинусса кумаг бувну бур.

Хасъсса аьралий операциялий цала бурж лайкьну бартибгълай, жула ватанлувтурал ккаккан дуллай бур чувшиву ва ватан ххирашиву.

Лажин хИадур дурссар Андриана АБДУЛЛАЕВАЛ

Сталинградуллал талатавриву немец фашистътал ххит буккан бувсса Къини

1942 шинал май зуруй ЯтIул Аьралуннал цаппара частьру Харьков шагьрулул чIарав душманнал вив ларсун дур. Жула аьрал бух хьуну бур Керчь шагьрулулчу. Вай гьарзатрал къиблалул чулухсса жула фронтрал тагьар оьнивун руртун дур. Душман гьужум бувну най ивкIун ур. 1942 шинал июль зурул ахирданий душманнал, Донгу лархьун, Ростов бувгьуну бур. Къубаннал аьршарайх душманнал танкардал колоннаду най диркIун дур. Немецнал канихьхун ларгун дур Майкоп шагьрулулчу хьунисса навтилл луртанну. Совет халкъуннал ЯтIул Аьралуннайссса вихшала къукьлан диркIун дур. Билятрал тагьар оьнивун дагьан нанисса ЧIалан диркIукун, И.В. Сталиннул бувсар бусалдаравун багьсса «Ца ша махьунмай къаласун» («Ни шагу назад») тIисса хIукму. Ноябрь зурул 23-нний, совет фронтитртал группировкарду Калач шагьрулулчу

1943 шинал февраль зурул 2-нний Сталинград шагьрулухсса талатавриву совет аьралуннал ххит бувну бур немецнал аьрал. Шикку талай ивкIсса 8 дагьусттанчув лайкъ хьуссар Совет Союзрал Виричувнал цIанин, миннавух лакгу: АхIмад-Хан Султан ва ЦIаххуй Маккаев.



салкъи хьуну, вив лавсьсар душманнал 22 дивизия ва 160 личIисса частьру (аьмну 300-нния ливчусса душман). Ва иширал банд лаган бувсар Гитлердул аьрал.

Январь зурул 8-нний Совет командованиялул канийн бучIансса ультиматум баян бувсар немецнал аьралуннал командующий генерал-полковник Паулюслайн. Ва канийн учIан рязи къашаврилгу хьиннура оьнивун руртссар душманнал аьралуннал тагьар. Сталинград шагьрулий увгьуну ивкIсса 91 азара душманнал саллатIнава чIявусса къатI хьуну бавчуссар дякъил ва азардал.

Ва хьуссар жула аьралуннал ларсьсса яргьсса, бюхтулсса ххувшаву. Ва ххувшаврил Совет аьралуннавун гьавас буттссар, халкъуннал дакIру тирх учин дурссар. Германнаву тIурча, шанма гьантлийсса дягьу баян бувну бивкIсар.

Шикку гьуртту хьунни ШДР-лул жагьилтурал министр Камил Саидов, Шагьрулул депутатътурал мажлисрал председатель Марис Илиясов, МахIачкъалаллал бакIчинал хьиривмур Эмилия Раджабова,

Чувшиврул барашинна

Февраль зурул 2-нний Шагьрулул библиотекалий хьунни Сталинград шагьрулул цIанийсса талатавриву немец ххит бувну 81 шин шаврин хас дурсса патриот акция.



МахIачкъалаллал Жяматийсса палаталул председатель Салим Аьбдулкъадиров ва цаймигу. Акциялул сакиншинначи хьунни шагьрулул Культуралул управление.

Сталинград шагьрулухсса талатаву Буттал КIанттул цIанийсса Хьунмасса дяьвилул иширттаву ца яла агьамшиву дусса ишну хьуссар. Талатаву дайдирухьуссар 1942 шинал июль зурул 17-нний, къуртал хьуссар 1943 шинал февраль зурул 2-нний совет аьралуннал ххувшаврийну. Сталинградуллахлусса талатавриву гьуртту хьуссар КIива миллиондалия ливчусса саллатI. ЯтIул Аьралуннан, немецнал бакъассагу, румыннал, Италиянал, Хорватиянал, Венгриянал аьралуннал салгалу талан багьсар. 200 къини жандалия ка ларсун талай



бивкIсар ЯтIул Аьрал душманнашал Дон ва Волга неххардил зумардацIухсса КIанттурдай. Сталинградуллахлусса талатаву дайдирухьуссар немецнал аьрал Гитлердул каялувшиндаралу Сталинградрайн гьужум бувну бачайхту. Ва талатаву хьуссар

рухI дукканнин шагьру буручлай бивкIсса совет аьралуннал ва укумасса инсантурал чувшиврул барашиннану. Сталинградуллахлусса талатаврил даххана дурссар дяьвилул тагьар. Ванийну Къиблалул фронтрай Германнал иш бачаврин ахир



хьуссар.

Сталинградуллахлусса талатавриву Гитлер чIявусса аьралуннацIа ва луртаннацIа хьуссар. Му хьуссар гихунмай немецнал аьрал бух шаврил ца сававгу.

Сталинград шагьрулул цIанийсса талатаву тарихравун дагьссар аьралий ва стратегиялул агьамшиврийну дакъассагу, миллатрал цашиврул, Ватан ххирашиврул ва чувшиврул лишаннугу. ЯтIул Аьралуннал мьяжаннугу ккаккан дурссар хIатхIисав дакъасса чувшиву. 1965-ку шинал Сталинград шагьрулул дуллуссар «Шагьру – Виричув» тIисса цIа.

Акциялий гьуртту хьанахьминнан ккаккан дурна Сталинградуллахлусса талатавриясса документал фильм.

Цала ихтилатраву Марис Илиясовлул КIицI ларгуна укумсса, ялун нанисса ник Ватан ххирану, билятрал тарих КIулну тарбия дуллалисса патриот акциярал агьамшиву, чара бакъашиву.

– Сталинградуллахлусса талатаву ссайну къуртал хьувив тIий, салагу дуниял ялугьлай диркIссар, цанчирча муния хьар хьанай диркIссар политикалул ареналийсса тагьар. Жува, хIакьинусса никирал, дакIний битан ва къадрулий ябан аьр-

кинссар жула тарих, пахрулий бикIан аьркинссару къучагьсса жула буттахья, буттал буттахья! – увкуна ванал.

– НукIува жула буттахьул кунма, хIакьинугу, хьхьичI ххуттай бавIуну, къучагьну талай бур жула чиваркI хасьсса аьралий операциялий. УрчIа дагьусттанчувнал Виричувнал цIа ларсунни. Ва жула жагьилтуран эбратансса ишири, – увкуна Камил Саидовлул.

– Ватандалул бучIантIимунил цIаний жандалия ка ларсун, хьхьу-къини къаувкуну, 200 гьантлий талай бивкIсар жула саллатI. Жува гьарица чIумалгу фашизм дух дуллай, бат дуллай талай бивкIсару ва мудан ххув хьанайгу бивкIсару. Ялун нанисса никирал КIунттихьри бусса жула бучIантIимур. Билятрал къучагьсса тарих дакIнийн буттаву – му хьуннасса агьамшиву дусса ишири. ХIакьинусса къини Аьрасатнаву буллай бур цIусса школарду, оьрчIал багьру, социал объектру, ххуллурду, жува так хьхьичIунмайру бачинтIисса, – увкуна Эмилия Раджабовал.

Ихтилатру къуртал хьуну махь дулкаки оьрчIал ва Искусствардал школалул чIава жагьилтурал дурккуна назмурду, увкуна балайрду.

Лажин хIадур дурссар
Андреана Аьбдуллаевал

«Илчилий» хъамалу

Жагьилтурал ккуруандалул бияла хъунмассар



Давуд Атаев

- Давуд, буси виятува, захматрал ххуллия.

– На увссара 1985 шинал февральданул 3-нний Гъумучиял шяраву. Тгул ппу Руслан, апа баннав цал, ГъунчукъатИрал шяравассар, нину Светлана Гъумучатуссар. Дуклай уссияв Гъумучиял дянивмур даражалул школалий. 2001 шинал дуклан увхссара Дагъусттаннал паччахЛугьрал университетрал химиялул факультетрайн. 2006 шинал университетту къуртал бувну, зий айивхъуссара ДНЦ РАН-далул Геотермиялул ва энергетикалул институтрал филиалданий. 2012 шинал ДНЦ РАН-далува аспирантурагу бувккуну, химиялул элмурдал кандидат шайсса диссертация дурурчуссар. 2016 шинал шийнай, хлакьинусса кьининин, зий ура ва институтраву хъунама элмийсса пишкарну. 2017 шинал хIала увхра «Патриоты» тIисса Ассоциациялул иширттаву. 2018 шинал ттуйн вихшала дунни «Лакрал жагьилтурал ккуруан». Ларгсса шинал на ивгунна Дагъусттаннал паччахЛугьрал гуманитар институтрал цалчинма проректорну. Дуклакисса шиннардиьгу на чялишну гьуртту шайссияв Жагьилтурал комитетрал иширттаву.

- Жагьилсса оьрмулий хъуннасса хъар лахълай ура ина. Цукунсса бур цIана инава зуисса гуманитар вузрал ва каялувшиву дуллалисса ккуруандалул хъьичI ххуттай бивхъусса масъалартту?

– ЦIанасса ппурттуву жула республикалий ххуйсса давуртту дачин дурсса, хъьичIунну зуисса жагьилтурал организиртту чансса дакъар. ХIакьину на зуисса институтирттал бикIу, жагьилтурал ккуруандалул бикIу хъьичI ххуттайн лавсэсса масъаларттава бур ялун нанисса ник тIудакъашиверттая дурчачаву, миннан патриот зумунусса тарбия дулаву, спортрахун бичаву. Шаннагу лакрал райондалий дуссар лакрал жагьилтурал масъаларттаха зуисса ххаллилсса ккуруанну. Вайннал хIарачатрайну дачин дурну буссар нигтил маз бурчачаву мурадрайсса, жагьилтал спортрахун машхул буллалисса журажура маторияртту.

Лакрал жагьилтурал ккуруан-

Миллатрал бучIантIимур лайкьсса карунниву бушиву исват шай зун гъирагу, бюхъугу, бажаргу бусса, даву дачин дан кIулсса жагьилсса никирашал хъунабакъайхту. Лакрал жяматрал иширттаву чялишну гьуртту шайсса, оьрмулулгу, захматралгу ххуллу эбратну бутлатисса ур ва базилхусса «Илчилу» хъамаличув – «Лакрал жагьилтурал ккуруандалул» (ДРОО) правлениелул председател, Русланул арс Давуд Атаев.

Давудлул бюхъу-гъунардания кIулми тIурча, вихшала дирхъуну бур ва чIумуцIун бавхIуну къуццу тIутIисса, ялун нанисса ник тарбия даврил масъалартту чулийн буккан бан бюхъайсса хIарачатрал инсан ушиврий. КIицI лаганна Давуд мазгу, миллатту ххирасса хIакьсса патриот ушиву.



далул вакилтал буссар школардай, вузирдаву дуклакисса оьрчIащал хъунабакълай, ми мюнпат бусса давурттал лагма лаган буллалисса давуртту дачин дурну.

- Лакрал жагьилтурал ккуруандалул каялувшиндарай, чIявусса оьрчIругу хIала буххан бувну дуллаи бивкIсса лакку мазрайсса шеьрирду буккаврил конкурсу уттигу дансса пикрилий бакъарув?

– ОьрчIан лакку маз ххира шаву, лакрал тарих лахъхьин баву мурадрайсса давуртту дачин дан буржлувссар цума-цагу инсан. ТIайламур бусан, гъашинугу конкурсу дансса пикрилий буссияв. Тгулла давуртту чанса-дунугу санитарин дирчуну махъ зунна мунихагу. Жухва бурувгун, цайми миллатругу байбивхъуну буссия нигтил мазрайсса шеьрирду буккаврил конкурсу дуллаи. Амма жучIара кунна, чIявусса инсанталгу чIарав бавцIуну, сий дуну шилчIав къадунни. Ванийн бувнугу исват хъанай бур жула халкъуннан мазгу ххирану бушиву, буттахъал ирсирал къадру-къиматту бушиву.

- Давуд, цукун агъра ина Гуманитар институтравун?

– «Патриоты» АОО-лийн баян байссар цумур-бухъурчангу вузравун ягу цамур жаваблусса даврийн ххуйсса кIулшивуртту дусса, вихшала дишинсса пишкар аьркинну ур тIий. Ассоциациялул хъунаманашал маслихат

– На дуклакисса ппурттуву школалий оьрус мазрай махъ учаву кьукьаласса затран ккаллиссия. ЦIана уруглай, Лаккуй хъуни хъусса оьрчIру бур марцIну оьрус мазрай жап буллуну. Ттул пикрилий, ва цинярдагу шархъавусса буруккин бур.

ккавккун, жагьилтурашалсса ва элмийсса даврил опыту хIисав бувну, ттуйн вихшала бунни Гуманитар институтрал цалчинма ректорнал къуллугъ. На акъа цаймигу пишкартал шиккун даврийн къамул буллалийни «Даву жура лахъхьин данну, так инсаншиву ва низам дусса пишкар гъан ара» тIисса дикIай вузрал каялувчитурал чулухасса тIалавшинна.

- Цукунсса пишкартал хIадур байссар гуманитар вузраву? Бурив зучIа лакрал миллатраясса студенттал?

– Гуманитар вузрал дур шанна направление: журналистика-лингвистика, теология, экономикалул ва информациялул технология. КIулшивуртту дулаву бакъассагу, вузраву хъуннасса къулагъасрайн лавсун бур жагьилтал тарбия баврил масъа-

Жагьилтал бавтIсса гъарица маториярттайлий буллаи буссару патриотталну, бавкъуну, дусшиврий, цашиврий бикIан аьркинсса насихIатру. Хаснува итталу буссар 9-11-ми классирттал оьрчIру.

- Жагьилтурал ккуруандалул давриву, ислам цIакъну дуруччаву бакъассагу, виятува тIайла хъуну, пасихIну лакку мазрай ихтилат бан кIулсса жагьилтал гъарза хъанай бушиврий дакI ххари хъанан дикIай. Цукунсса бур цIана жула лакку мазрал бучIантIимур?

– На дуклакисса ппурттуву школалий оьрус мазрай махъ учаву кьукьаласса затран ккаллиссия. ЦIана уруглай, Лаккуй хъуни хъусса оьрчIру бур марцIну оьрус мазрай жап буллуну. Ттул пикрилий, ва цинярдагу шархъавусса буруккин бур. Вай ишру хIисавравун лавсун, пикри хъуна жун нигтил мазрал сий гъаз даву мурадрайсса конкурсу дан. Ванилгу цуксса кумаг бансарив къакIулли, шаймур буллаи буру. ИчIува нину-ппу, учительтал нигтил мазрай гъалгъа тIий бакъасса ксса, маз лахъхъаврил, явавил масъалалия гъалгъа тIун пайда бакъар.

- Ялун нанисса никриан хъуннасса нигъачIаву дур наркотикирттая. Ялу-ялун чIяву хъанай бур чIавасса оьрмулий ххуй бакъасса иширттахун багъсса оьрчIру. Жагьилтал ва балаллуя мюхчан баву мурадрай цукунсса давуртту дуллаи буру зу?

– Жагьилтал бавтIсса гъарица маториярттайлий буллаи буссару патриотталну, бавкъуну, дусшиврий, цашиврий бикIан аьркинсса насихIатру. Хаснува итталу буссар 9-11-ми классирттал оьрчIру. Къалмакъаллу, бувчIу-къабувчIурду хъусса чIумалгума хъирив лавну, маслихIат ккавккун шаллу бан хIарачат бару. Жагьилтал, наркоманиялия ва цаймигу заралсса иширттая арх баншиврул, спортрахун бичин аьркинссар. Жагьилтал жула ххаллилсса бур. Ттул ччива жула оьрчIал цала гужгу, гъавасгу мюнпатну ишла бувну, тIайла бавцIусса, жаваблусса, эбратрансса, жула республикалул цIа лайкъну дуручлансса инсантал хъуну.

- Ихтилат къуртал буллаи, ци учивияв жула жагьилтурая?

– На мудангу икIара Дагъусттаннал жагьилтал яла хъьичIунми, яла узданми ва ххаллилми бур тIий. Так миннан цала бюхъу-гъунар ккаккан бансса ххуллу тIитин, захматсса иширттаву багъсса чIумал чIарав бацIан аьркинссар тIий. Интернетрал каширду хъунисса замана бувкIун бур. ХIакьинусса жагьилтурал тIивтIуну бур шала дуниялийнсса чIавахулу. Вайннаша бюхълай бур ччимур билайтрайсса инсантурашал дахIаву дан, цанна дакIнил ларсмур культура къамул дан. Жагьилтал мудангу хъуниминнал итталу бикIан аьркинссар, вайннан мудан насихIат буллан, тIайла бацIан буллан аьркинссар.

Имара САИДОВА



ИТНИ, 12 ФЕВРАЛЬ
05.00 «Доброе утро». (12+).
09.00 Новости.
09.20 «АнтиФейк». (16+).

23.00 «Большая игра». (16+).
00.00 Александр Проханов. Ис-
поведь. (16+).

21.00 «Время».
22.00 Т/с «Великая. Золотой век».
(12+).

19.55 «Куклы наследника Тутти».
(16+).
21.00 «Время».
22.00 Т/с «Великая. Золотой век».

19.55 Проект «Цивилизации». «Лат-
инская Америка». (16+).
21.00 «Время».
22.00 Т/с «Великая. Золотой век».

19.45 Телеигра «Поле чудес».
(16+).
21.00 «Время».
21.45 Голос. Новый+.
23.30 Матчор. (16+).

21.35 «Сегодня вечером». (16+).
23.00 X/ф «Сторож». (16+).
02.00 «Подкаст.Лаб». (16+).

РОССИЯ 1

ИТНИ, 12 ФЕВРАЛЬ
05.00 «Утро России».
07.35-07.41 Местное время. Вести-
Дагестан

03.50 Детективный телесериал
«Морозова». [16+]
ТТАЛАТ, 13 ФЕВРАЛЬ
05.00 «Утро России».

03.50 Детективный телесериал
«Морозова». [16+]
АРВАХИ, 14 ФЕВРАЛЬ
05.00 «Утро России».

03.50 Детективный телесериал
«Морозова». [16+]
ХАМИС, 15 ФЕВРАЛЬ
05.00 «Утро России».

03.50 Детективный телесериал
«Морозова». [16+]
НЮЖМАР, 16 ФЕВРАЛЬ
05.00 «Утро России».

03.50 Детективный телесериал
«Морозова». [16+]
ХХУЛУН, 17 ФЕВРАЛЬ
05.00 «Утро России. Суббота».

и/Алексей Комашковфильме
«Арифметика подлости».
[16+]
АЛХИАТ, 18 ФЕВРАЛЬ
06.10 Мария Куликова, Константин
Стрельников, Борис Хвошнян-
ский, Ивар



ИТНИ, 12 ФЕВРАЛЬ
07.00 Вести-Дагестан.
08.00 М/ф «Маша и медведь». 0+
08.15 М/ф «Смешарики 2D». 0+

ТТАЛАТ, 13 ФЕВРАЛЬ
07.00 Вести-Дагестан.
07.20 Передача на табасаранском
языке «Мил». 12+

07.20 Передача на ласком языке
«Арыши на аглу». 12+

08.00 М/ф «Маша и медведь». 0+
08.15 М/ф «Смешарики 2D». 0+

НЮЖМАР, 16 ФЕВРАЛЬ
07.00 Вести-Дагестан.
07.20 Передача на аварском языке
«Паланги памали заманти»

Мишки Япончика» 5, 6 с.
16+
ХХУЛУН, 17 ФЕВРАЛЬ
07.00 Вести-Дагестан.
07.20 Передача на ласком языке
«Халкь ва заман» 12+

«Вактар ва инсанар» 12+
05.10 «Удивительные горы!» 0+
05.25 Т/с «Человек-приманка» 9,
10 с. 16+



ИТНИ, 12 ФЕВРАЛЬ
04.50 Т/с «УТРО». (16+).
06.30 «Утро. Самое лучшее».
(16+).

02.50 «Агентство скрытых камер».
(16+).
03.20 Т/с «Кодекс чести». (16+).

03.20 Т/с «Кодекс чести». (16+).
АРВАХИ, 14 ФЕВРАЛЬ
04.50 Т/с «УТРО». (16+).

ХАМИС, 15 ФЕВРАЛЬ
04.50 Т/с «УТРО». (16+).

НЮЖМАР, 16 ФЕВРАЛЬ
04.50 Т/с «УТРО». (16+).

07.25 «Смотр».
08.00 «Сегодня».
08.20 «Поелом, поелим!» (16+).

АЛХИАТ, 18 ФЕВРАЛЬ
04.50 Т/с «УТРО». (16+).

Юбилейран хасну

Хъинсса дус яла хъунмур ххазинар



ЧиваркIуннал даянив ур чинсса чувнан, чумартсса дакIнил залуннан, Лакку билаятрал ва Дагъусттаннал лайкъсса арсанан, Ссапарбаг Абдуллаев-лун вай гъантрай хъанахъиссар ниттил увну 80 шин.

Вила хасиятрал ва багъу-бизулдул ххаллилсса лишаннал – инсаннал дакIниймур лаласун кIулшиврул, мунал мюхтажшин шаллу дан мудангу



хIадурну ушиврул, оърмулул захIматшивуртту ва цIушиннарду бакI гъаз дурну ва сивсуну бардигъин бюхъайсса ушиврул лап

лахъну гъаз хъун дурну дурвил сий лагма-ялттуминнал ва дустурал даянив.

Ина оърмулул хъихъи ивтун-



гу къаивкIссара, амма ина лайкъну ва яхI лавайну лархъссар циняв захIматшивуртту. Ина хъинну чIявуссаннан эбратну хъусса инсанна. Вила биалалул ва дакIнил бутIа сахаватну цайминнайх бачIин бюхълахъаву, сайки цичIав махъуннай винна тIалавгу къадурнура, – му нажагъссаннан бакъа къабулайсса гъунарди, му аьшири.

ХIакъину жу, вил дустал, хъунмасса пахрулий ва шукрулий буру вил ххаллилсса юбилей барча дансса тIайлабацIу жунма оърмулуву хъуну буну тIий.



«Илчилул» календарь

Ва нюжмардий бувссар:

Февраль зурул 7-нний 1944 шинал увссар Дагъусттаннал цIанихсса дирижер **Рамазан ХIажиев.**

Февраль зурул 8-нний 1863 шинал увссар бусурман диндалул аьлимчу, чичу **Муркъылинахъал Юсупкъади.**

Февраль зурул 8-нний 1949 шинал увссар АьФ-лул лайкъ хъусса зузала, «Дагестан» ГТРК-лул директорнал хъиривчу **Ссалам Хавчаев.**

Февраль зурул 8-нний 1940 шинал бувссар филологиялул элмурдал кандидат, публицист **Роза Эльдарова.**

Февраль зурул 10-нний 1944 шинал увссар АьФ-лул лайкъ хъусса строител, «Вираж» ООО-лул каялувчи, ДР-лул Жяматийсса палаталул председателна хъиривчу **Ссапарбаг Абдуллаев.**

Баян

«Илчилий» бишлаши-тестру буссар укунсса багърал лагрулий:

укуннасса барча баву – 400 къ.

суратрачалсса барча баву – 500 къ.

Вилацириннал ва вицIух-вацириннал вихрасса ччаврил ва барчаллагърал ххишала хъун буланнав вил дакIнил къуват, цIу-цIусса мурадру бартбигълансса гъира, шавкъ.

Вила миллатрайн багъайсса агъамсса гъарцагу иширал ялув ина ттинин дурцири, гъуртту хъуцири давуртту личIантIиссар чирчуну бусравсса ххуттардий лакрал лахъхъуссагу, хIакъинуссагу, гъунттийссагу иширтгал сияхIрай: Хан-Муртазялил, АхIмад-Хан Султаннул ва цайми-цаймигу лакрал ххаллилсса арсурваврал ва душваврал аьпа абад булалисса тарихийсса гъайкаллу дацIан даврил ххуллийгу диялсса дуссар вил гъурттушиву.

Хъинбала тIисса мукъулгу, Ссапарбаг тIисса цIанилгу даянивсса манзил бувагу ливчIун бусса ххай бакъару.

Яраппий, ина винагу, вилацириннангу, лакрал миллатрангу, дус-ихтивартурангу яаннав, уруччиннав Заннал.

Бюхълай личIаннав!

Шалласу, Артур, Юсуп, Сайпуллагъ, МахIаммад, Султан, Рапи, Камил, Аьвдулхаликъ, Сулайман, МахIаммадбаг, Руслан, Хизри, АьвдурахIман, Альберт, Оьмар

Юбилейран хасну

Театрданул вихшаласса
дус-ихтивар

Сапар Аьлиевич жул театрду хIакьсса, гьансса ва вихшаласса дус-ихтиварди. Цувгу илданун кIулссар мяьрипат дусса, интеллигентсса, аькьлу-кIулли гьарза-гьартасса, театрду оьрмулуцун бавхIусса гьарца ишираву чIарав ацIан хIадурсса лаккучув хIисаврай.

Сапар Аьлиевичлул театрду хIакьсса гьансса дусшиву дайди хIуьссар шала билатран захIматсса 90-ку шиннарди, театрду бюджет бувагу кьабивкIсса ппурттуву. Тай шиннарди ванал ца яла хIунмур хIар цайнна ларсIессар Мария Илиясовал сипталину шуруци буллаи байбихIуьсса М. Аьлиевлул «ПартIу ПатИма» спектакль бишаврил ялуьсса проект дузрайн дуккан давриву. Ялагу, 2001 шинал, ванал цайнна лавсIессар С. Кьасумовлул «ЛухIи кьини» тIисса пьесалиьнуьсса спектакль бишинсса шала харжигу. Вания тихунмайгу чIаруьсса шиннарди мазилданий ванал ка-кумаграцIух цу буккан бувссар театрду материал-база: декорацияртту, жанахIравунсса интерьер, режисит, сахIналул костюму, музыкалул инструмента, ванала кумаграцIух дузрайн дуркIессар театрду гастроллал проектругу.

Мунишала архIал тай шиннарди, шала билатраива зурдарди харжру кьабуллаллсса чIумал, Сапар Аьлиевичлул хIасул бувсар Попечительшиврул совет ва ванал сипталину му советравун бухлахиминнал лахIисса чIумул муттали зургу зуруйн арцуьнуьсса кумаг буллаи бивкIессар театрду артистIуран. Муниьну бивхIуь-

ссар театрду творчестволул потенциал сахла бан, яхIунсса арцу ляхIиншиврул, цала пшардугу кьабивтун, чIявуьсса интеллигенция тили-хIили хIуьсса ппурттуву.

ХIакьинуьсса кьинигу Сапар Аьлиевич шайсса кумаг буллаи уьсар оьрмулул захIматсса тагьардануь ливчIсса артистIуран ва театрду зузалтран.

Хаснува кIицI лаган чIива театрду 80 шинал юбилей дусса ппурттуву ванал сипталину, Сиражуттин Илиясовлул республикалул идараттай каялуьшиву дуллаллсса лак, ишбажаранчитал ва театрду дакI цуцIисса инсанталгу лагма лаган бувну, лайкьсса даражалий шадлугьругу тIайла дурккун, театрду коллективран арцуьну ка-кумаг бувну бивкIшиву. Театрду магьирлуьгьрал кьимат кIулсса инсан ва дакI тIайласса тамашачи хIисаврай, Сапар Аьлиевич хIунмасса кумаг буллаи уьсар театрду ванал тамашачитал кIункIу баврил ххулийгу.

ДакIнийхтуну барча тIий жула ХIурмат лавайсса Сапар Аьлиевичлуь юбилей, чIа тIий буру цIакьсса цIулуьшиву. Оьрмулул учинин итаннав ина! БацIаннав арулххуттай ина вила миллатран буллалимур!

**Бадрижат
МАХИММАДХИЖИЕВА,
Лакрал театрду каялуьчи**


Уттигу ца наградалун
лайкь хьунни

Республикалул Поэзиялул театрду хьунни Аьрасатнал Искусстварду лайкь хьунни ишккакку, пианист, профессор Хан Башировлул «Благодество и милосердие» тIисса мусил медаль дуллаллсса мажлис. Му тапшур дунни «Российский детский фонд» тIисса Дагьусттаннайсса отделениелул председатель, генерал-полковник М. Танкаевлул цIанийсса жагьилтал патриот зумуну тарбия баврил фондрал председатель ХIасанхIусайн Аьдулжалиловлул.

«Благодество и милосердие» тIисса мусил медаль хIасул дурну дур «Аьрасатнал оьрчIал фондрал». Культура ва искусство хьхIичIуннай давриву бакьассагу, билатрал оьрчIал мурадур буручлаллсса жаматийсса иширттавуь чIалишсса гьурттушинна даврихIуну Фондрал хIукму бувну бур бусравсса награда Хан Башировлул дулун. Фондрал давривух гьуртту хьанай дур искусстволул ва личIилишIисса миллатирттал жаматийсса ишккаккултрал суккушиннарду.

Шиккува кIицI лаган, Республикалул кьатIуьсса иХIсандалул мероприятиерттай Хан Мирзахановичлул ирглийсса награда. ЧIа тIий буру цIакьсса цIулуьшиву, гихунмайгу зун-захIмат буллаллсса каши ва кьудрат.

Имара САИДОВА



Хан Баширов

ДакIнийхтуну барча дуллаи буру Хан Мирзахановичлул ирглийсса награда.

ЧIа тIий буру цIакьсса цIулуьшиву, гихунмайгу зун-захIмат буллаллсса каши ва кьудрат.

Ларгсса ножмарди Республикалул КIулшивуртту хьхIичIуннай даврил центрду хьунна Дагьусттаннал бакIчиначIасса Элмулул ва КIулшивуртту дулаврил советрал заседаниелул тасттикь бунни Дагьусттаннал бакIчи Сергей Меликовлул республикалул КIулшивуртту дулаврил идараттал, учительтурал ва дуклаки оьрчIал чулухуннай хьунна кьулагьас дуллаи ушиву.

ХIурматран
лайкьсса пиша

Педагогнан ва насихIатчинан хас дурсса шинал хIасиллу дуллаи, ДР-лул КIулшивуртту дулаврил министр ЯХIия Бучаевлул бувсунни, ларгсса шинал лажиндарай тIивтIушиву 4140 оьрчIансса кIантту бусса 26 оьрчIал багь ва 7576 оьрчIансса кIантту бусса 17 школа, сайки 700 азарунниха ливчусса педагогтурал, насихIатчитурал, нитти-буттал ва дуклаки оьрчIал гьурттушинна дуршиву Педагогнал ва насихIатчинан шинан хас дурсса личIи-личIисса мероприятиерттай.

Дурну дур Расул ХIамзатовлул 100 шинан хас дурсса, 1 млн инсантурал гьурттушинна дурсса, 35 мероприятие. Педагогнал шинан хасну дуккан дурну дур «Династия педагогов Республики Дагестан» ва «Почетный наставник сферы образования Республики Дагестан» тIисса хIурматрал лишанну. ХIукуматрал ва ведомстварду чулухасса наградартту дулуну дур 3 азарунниха ливчусса педагогтурал.

«Точка роста» ва «Кванториум» оьрчIал технопарку тIивтIуну бур 67 школай, 41 школай цIу буккан бувну бур материал-техникалул базарду. Сакин бувну бур 2 «IT-клуб» центр, 43 школай воркаут площадкарду ва 10 мини-футболдану поле. Республикалий «Газпром» ПАО-лул чулуха бувну бур 15 спортплощадка.

Ларгсса шинал итабавкуну бур дуклаки оьрчIру ххилансса 72 автобус. Машан лавсун бур Дагьусттаннал тарихрал 176, 4 азарва учебник, 199,1 азарва, ниттил мазрал ва литературалул учебник, 84,7 азарва - дагьусттаннал географиялул учебник.

БайбихIуну бур «Мой Дагестан. Край, в котором я живу» тIисса 1-ми классирттал дуклаки оьрчIансса КIулшивуртту дулаврил проект иширайну зузи дуллаи.

26 азара дуклаки оьрчI кьамул увну ур «ЮНАРМИЯ»

тIисса шалагу Аьрасатнал аьралий-патриот суккушиндаравун. ХIакьинуьсса кьини 2,5 азара дуклаки оьрчI гьуртту хьанай ур ТОКС-рал кьукулуву.

9 азарунниха ливчусса оьрчIал КIулшивуртту ларсун дур «Авангард» тIисса жагьилтуран аьралий-патриот тарбия дулаврил центрдай.

Хишаласса КIулшивуртту дулаву мурадрай, иширайну дузрайн дуккан дурну дур 1428 проект.

Министрал личIинура кIицI ларгуна тIалавну душиву «Футбол в школе» тIисса оьрчIансса проект. Гьашину Аьрасатнал Футболдану союзрал проектравун кьамул бувну бур республикалул 55 школа. 1302 школай сакин дурну дур футболдану лигарду. 2023 шинал республикалий «Школалул футболдану лигалувун» цалчин кьамул дурну дур душаврая сакин дурсса 25 команда. 1279 школай хIасул бувну бур спортклубу, 1072 школай, театрду кружокру ва 306 школалул музей.

Сентябрь зурул 1-нний шийнмай республикалул школарду хIала хьуну бур «Моя школа» тIисса Федерал паччахIлугьрал информациялул системалулул. ТIивтIуну бур 149 психолог-педагогтурал класс, 150 профильный класс, миннува 8 класс - инженертал хIадур байсса.

Республикалий цалчин шаллу дурну дур низамрава кьабувккун ГИА-рду дуллаллсса шартIру. ДР-лул КIулшивуртту дулаврил министрестволул дайди хьуну дур учительтура бюрократиялул дишаларду дуккан дуллаллсса давуртту.

Сергей Меликовлул цала ихтилатраву кIицI лавгунни, Педагогнал ва насихIатчинан шинал мурад учительтурал пишалул сий гьаз даву бакьассагу, КIулшивуртту дулаврил ххулий хьунабакьлакьисса масьалартту аьлтту баву хьанакьшиву.

Республикалул бакIчинал лавайсса кьимат бившунна Цен-

трданий тIиртIуьсса выставкалул. Ва выставкалий бия миллатрал багь-бизулия булаллссса 23 майдан. Цинявпагу майданнай дуклаки оьрчIал ккаккан бувна творчестволул ва искусстволул мастер-классру. Шикку личIинува итталун багьлай бия бархьаллал тIахIунтту дуллаллсса мюршисса оьрчIру. Каспийск шагьрулул 33-мур оьрчIал багьрал душ Аьйшал цила мюршисса каруннил сина-аьршарая дурну дия Республикалул бакIчинан бахшишрансса тIахIни.

Советрал заседаниелий гьуртту хьунна, дуккавриву хьхIичIунсса оьрчIал гьунардал махIаттал увсса бакIчинал махь буллуна шикку гьуртту хьунна оьрчIру Дарбанглийн ва Москвалийн экскурсиярттай тIайла буккансса.

Ларгсса бигьалагай кьинирдай Сергей Меликовлул, цала буллуьсса махь бацIан буван, дуклаки оьрчIру тIайла бувккунна Дарбанглив. Шикку вайннан хIадур дурну дия авадансса программа. Экскурсиялул дайди хьуну дурна Дарбант шагьрулул 14-мур школай. Школалул чIава корреспондент Диана Аьлиевал дуклаки оьрчIашал дурна аьрххилул асардая цIухху-бусу буллаллсса телепередача ва риршунна дакIний личIансса суратру. Хьйрив оьрчIру бивуна Нарын-Кьалалийн.

Советрал заседаниелий гьуртту хьунна цинявпагу педагогтал кIицI лаглай бия Республикалул бакIчи хьхIичIунну зий, захIмат буллаллсса педагогтурал ччимур ххулул тIитIин хIадурну ушиву.

– Дагьусттаннал бакIчинал хьунна кьулагьас дуллаи ур республикалул педагогтурал масьаларттах. Муниьсса барашиннану хьунни ванал каялуьшиннарду хьунна Элмулул ва КIулшивуртту дулаврил советрал заседание. Сергей Меликовлул чIурчIав дурна педагогтурал пишалул сий гьаз даврил ва квалификация дусса педагогтурал кадрарду хIадур баврил даража лавай баврил ялуь бацIавдан аьркиншиврий. ХьхIичI ххуттай бивхьунна жагьилсса ник тарбия даврил, оьрчIаву гьунарду аьлтту баврил, ххишаласса КIулшивуртту дуллаллсса шартIру дузал даврил масьалартту, – увкунна ЦIуссалакрал райондалулул КIулшивуртту дулаврил управлениелулул хьунмур Светлана Кьудаевал.

– Советрал заседаниелийн гьуртту хьун жуйьма овьчаврихлу барчаллагьрай ура. Укунсса мероприятиерттай сукку бай КIулшивуртту дулаврил ххулий хьунабакьлакьисса цIурувкьюьсса масьалартту, ххал бигьай ми дузал бансса мюнпат бусса ххулулчаранну. Му бакьассагу, ххишала хьанай дур куннал кувнацIа даврил опыт ласунсса сант, – увкунна Ккуллал райондалулул КIулшивуртту дулаврил управлениелулул хьунаманал бигарду биттур буллаллсса Жамалуттин Оьмариевлул.

Ахирданий, АьФ-лул Провещениелулул министрестволул ва ДР-лул Элмулул ва КIулшивуртту дулаврил советрал чулухасса наградартту дулуна хьхIичIунну зузисса учительтуран, директортуран, колледжирттал педагогтуран ва тренертуран.

Имара САИДОВА

Ниттил маз

Лакку маз

лахьхьин ччинан

Лакку мазрайсса «Ислам в Лакии» порталданул ниттил мазрал дарсру дихьлахьисса ххуйсса проект хладур дурну дур. Ванил дайди ху дунни ларгсса бигьалагай кьини, ссят 7-нний ахтакьун чумал, Ютуб каналданий ккаккан дунни цалчинсса лакку мазрал дарс.



Жума Омалалиева

Ва дарсру дирхьуна МахIачкьалалив оьрус мазрал ва литературалул, лакку мазрал дарсру дихьлахьисса Жума Омалалиевал. Лакку мазрал курсру байбихьуна бувагу лакку маз кьакIулминнан маз лахьлан гьира багьансса куццуй. Вай курсирдал кьулайшиву му дур, чIун хьусса чIумал ччитарив Ютуб каналданий ххал дуван хьанай дур дарсру. «Цуксса хIарачат булларчагу арснал оьрчIан лакку маз лахьхьин бунан, гьира бакьа, хIарпру лахьхьин дан кьахьанай, лахьхьин шьякIан кьаччай, багьантту буллай, яла, пайда бакьар куну, цува ивтссия. Гьай-гьай, навагу бюхьу бувагу бакьасса учитель бушиву мукIру хьуну. Цалчин-

сса дарс дия хIарп «чч» лахьхьин дуллалисса, ччитул сурат экрандалийн дуккайттура, мютIину шьявкIуна. ОьрчIи-чIюлусса суратругу лях-карах ккаккан дуллай, оьрчIру бизар кьахьананну тIуркIуллул журалий хIадур дурну дия дарс, ттуша цукунчIав ва даражалий дарс дишин кьахьунссия, дакIнийхтуну барчаллагьрай бура ва мюнпатсса даву дуван дакIнийн багьцириннай», – тий бур Шакият Шамилова. Агана лакку маз лахьлан ччай бухьурча, льякьияра «Лаккуй ислам» порталданул Ютубканал. ТIайлабацIу баннав каналданунгу, лакку маз лахьхьин чялиш бувкминнангу.

Патимат РАМАЗАНОВА

Проект

цIу дуккан дунни

МахIачкьалалив цIу дуккан дурну дур жяматийсса дуки-МахIачIиялуха зузисса идарарттай кассалул чекру тIалав дуллалавриха зузисса «Жяматийсса дуки-хIачIия» тIисса проект. Ва даву дачин дуван тапшурлув буну бур Аьрасатнал ФНС-далул Дагьусттаннаймур управление. Шикку сакин буну бур Анаварсса ялув бацIаврил отделданул хьунама Муртазали Ибрагьимовлул каялувшиндарайсса группа.

Ванивун бухлай бур региондалул властьрал идарартгал – Дахху-ласуллул ва промышленностьрал министерстволул, Виваллил иширтгал министерстволул, МахIачкьала шагьрулул администранияртгал, Роспотребнадзорданул ва жяматийсса организацияртгал вакилтгал.

Ва проектрал мурад бур региондалул хазналувун дукIлакIисса жяматийсса дуки-хIачIиялухсса доход гьарза шаву ва ххютулусса рынок ялун личин баву. Проектраха зузисса группалул даву дачин дуван тий дур сантирай, чIяву кьахьанай, идарартгал зу-

залтрахун бахьчачинну.

Вайннал мукунна ххал дуллан тий бур налогру кьадуллай лахьи лавгсса инсантурал сияхI. Кассалийсса чекирдайн багьаймур масьала тIурча, инсантурая бувкIсса аьрзри гьануну лавсун ххал бигьлан тий бур.

Аьрасатнал ФНС-рал управление дакIнин бутлай бур, хушрай кассовый чекирдал диял дакьашивурттая ва уттинин дулун багьлагьисса ва кьадуллулу лирчIсса налогирттая баян бувсса инсантал танмихIрайн кIункIу кьабантIишиву.

Сагьират ИСМЯИЛОВА

Баян

РедакциялуцIун дархIусса тIалавшиннардайн буну, «Илчилий» бишлашисса жижарартгал текстру буссар укунсса багьрал лагрулий: укунмасса жижара – 400 кь., суратрашалсса некролог – 500 кь.

«ИЛЧИЛУЛ» редакция

Украиннаву хасьсса аьралий операция байбихьуния шийнмай Дагьусттаннал агьлу мудару аьралитурал чIарав бацIлай бур. Дагьусттаннайсса Федеральний Налоговый управлениедул службалул цала чулуха «Народный фронт» тIисса региондалул исполкомрайн тапшур буну бур 9 машина. Вай машинартту, бакьингу буну, СВОрай гьуртту хьанакьисса аьралитуран кумагран тIайла бувккун бур.

Уттигьанну машинартту биян буну бур аьралитурачIан. Вай тIалав буну бивкIун бур аьра-

Чирилунсса даву

Аьралитуран кумагран

лий масьалартту шаллу буллалиний ишла буллан.

Вайннува цаппара буллу-ну бур Каспийскаллал 177-мур хьхьирин пехоталул полкрал аьралитуран, Буйнакскаллал 136-мур мотострелковый бригадалун, 1 машина Ханкалаллал 539-мур саперный батальондалул аьраличувнан.

– Машина ци журалул бу-

хьурчагу жун баччибакьассар, шикку вай аьркин бансса чаранну чIявусса бур, – увкуна, налогиртгал управлениедул зузалтрахь барчаллагь тий, 136-мур мотострелковый аьралий штабрал хьунаманал хьиривчув МахIаммад-Ссалам Абдулганиевлул.

Сагьират ИСМЯИЛОВА



Россельхознадзорданул кьайгьурду

Аьрщи марцI дунни

Дагьусттаннал Россельхознадзорданул управлениедул кьуллугьчитурал кIантту-кIанттурдайн лавгун ххалбигьавуртту дурну, Кьизлардал райондалийсса Большезадовский тIисса шьяраву 9 гектар аьрщарайх полиэтилендалул пленка бавкьуну льявкьунни. Аьрщи арендалий ларсьсса М.М. Албариевлуй ва М.М. Мусаевлул дюь дирхьунни ттиний тихунмай аьрщарал хIакьиравусса закондалул ххуттава кьабуккан. Февраль зурул 5-нний кIицI ларгсса аьрщи, пленка букьан буну, марцI дунни, шьяраваллил хозяйстволун ишла дулланшиврул.

ЧIун дурксса продукция ашкара дунни

Уттигьанну Дагьусттаннал Россельхознадзорданул управлениедул зузалтрал ашкара бунни ишбажаранчи Г.М. Бамбатхановлул, хIилла дурну, продукция (гьаттарал агьгушиву) дуссаннуяр ххисшалану ккаккан дуршиву. ЧIун дурксса 6,4 тонналийн дакьасса продукция ххи дурну, 300 тонна ккаккан дурну дур, мукунна, закондалул ххуттава увккун, продукция ишла дан бучIисса чIун лахьи дурну дур.

Вай иширттайну чIалай бур дикI ва дикIул продукциялул

хIакьиравусса ва ветеринар сопроводительный документру шаллу баврил тIалавшиннарду кьадурурччуну душиву. Укунсса ишру хьуну бур продукциялул ялув аьркинсса куццуй кьабавцIуну, Управлениедул зузалтрал, продукциялул журналданий чивчумургу, букьан буну, регистрациягу чIумуйсса дацIан дурну, дюь дирхьунни.

КIицI лаган, Управлениедул зузалтрал мудар дайссар «Меркурий» ФГИС-рал мониторинг, электрон журалий ветеринарно-сопроводительный документру (эВСД) шаллу бавриву итадаркьусса тIайладакьашивуртту чIумуй ялун личин даншиврул.

Адриана АБДУЛЛАЕВА

Цува чув-ухьурчагу бувчIавурттай гьуртту хьун бюхьантIиссар



Дагьусттаннал МФЦ-лий тIивтIуну бур инсан ялапар хьанакьисса кIанай Аьрасатнал

Президентнал бувчIавурттай гьуртту хьуншиврул заявлениартту кьамул байсса кIанттурду.

ЧIурду булайминнаша сияхIрайн ласаврил хIакьираву заявление булун бюхьантIиссар 2024 шинал январьданул 30-ннийн мартрал 11-ннийннин. МФЦ-лул пишакарнал заявление сияхIрайн ласунтIиссар чIу булайманал ккаккиарттугу (данныйрду) дирхьуну, яла заявление тIайла букьантIиссар АьФ-лул Центральный избирательный комиссиялийн. Му хIаллихшин дуллалиссар экстерриториал принципрайну, заявление булайманал ялапар хьанакьисса кIанттул регистрация чув духьурчагу, цува чув-ухьурчагу Аьасатнал территориялий. Заявление МФЦ-лийн булайсса чIумал зушалва бикIан аьркинссар АьФ-лул гражданинал паспорт.

ХI. АБДИЛОВ

Юбилейран хасну

«Лакку маз къаябарча, жува лак бакъару»



Бедиулжамал Мусиева

- – Бедиулжамал, байбешинну мархрая. Буси вилва мархрая, гъанулия, миналия.
- Бувну бура на Гъази-Гъумучиял шяраву, Гъухъалив, захъмат буллай аьдат хъусса кулпатраву. Ниттил нину Загъидат Анасова оьрмулухун колхозраву зий дикъайва. Нину Халимат личи-личисса давурттай зий дикъайва: артельдануву янна дурухлай, лагаву-нагъ дай заводрай, махъсса шиннардий «Союзпечатьрал» киоскерну Гъумук, Лакрал почталул отделениелий. Марцисса, инсантал рязисса даврихлу, даин планну ххисшалану биттур дуллалаврихлу ларсун дур Хурматрал грамотартту, хъунмур кванттул чулуха Барчалагърал чагъарду. Ппу, Щурпахъал Идрис, ивкун ур ххаллилсса уссал усттар. Бугъарасса арамтал бикъайва буслай, ттул буттал дайсса куннасса кыринчакмарду шилчав къадайссия тий. Аьпа баннав лавгминнал. Буттал ппури вкиссар хъинну ххуйсса мусил усттар, заргал. Щурпахъал Махъаммад Петербурглив зий ивкиссар, цала ттучангу бивкиссар, ванаьту чивчуну буссар Миясат Щурпаевал «Нукку заманнул хаварду» тисса луттираву, «Паччахънал ичъаллил заргал» тисса текст.
- – Кутану буси буккултрахъу Махъаммадула, цума паччахънал ичъаллил заргалну зий ивкиссар?
- Петербурглив увкисса Марокколал паччахънал вакилнал ларсесьсара клунт мусил ххалуя ххисшала дакъа исвагъину дурсса вичилусру ва каши. Гай дурсса усттар Петербурглив яхъанай усса, цувагу паччахънал ичъаллил заргал усса кул шайхту, Махъаммад усса ттучангу льякьуну, цаппара шиннардива вакилнал цащала Марокколийн увцуссар. Махъаммадул кулпатрайн тиха чагъар увкиссар, оьрчъругу був-

Гъумучиял шяравасса Идрислул душ Мусиева Бедиулжамалду ттун мудангу ябацайва: сахъибулхайр дусса, ихтилат куклусса, гъаьнсса, ябитаву ттунгъасса, ччимур темалия усттарну ихтилат бувансса куклушувуртту дусса, яла-яларив, ванил лакку мазрайсса пасихъсса ихтилат. Ттун ва цалчин ккавкксия Гъумук, Дагъусттаннал университетраву дарсру дихълахъисса Роза Эльдаровал ниттил ссукъурай. Роза Эльдаровагу, Бедиулжамалгу ссурвал льякьуну. Бедиулжамал та ппурттуву Аьрасатнал региондалий яхъанай буссар тий бия, муниятугу къулагъас дурхъунесса на танийра ванил лакку мазрайсса пасихъсса ихтилатрах. Дагъусттаннайнай зана шайхту, Бедиулжамал личи-личисса давурттай зий бивкун бур. Бусансар ванил цилва. Гъумук Муса Маннаровлул цанийсса музейраву зий буссия. «Ниттил маз» тисса, лакку маз ябаврил ххуллий хъасул бувсса группалулгу, марцисса лакку мазрай агъамсса темарду гъаз дуллалаврихлу бахшишран лайкь хъумургу Бедиулжамалли. Февраль зурул 12-нийн ванин 75 шин хъанахъиссар. Ванишалли хъакъинусса ихтилатгу.



Ширвани Чаллаевлушал ва ссищал Розащал

цуну тихун бухъху, дуняялий унува алжаннавун агъну ура тий, тийхсса оьрмулия рязину. Амма, революция хъуну, Петербургливсса заргалтурал ттучанугу конфисковать бувссар, Махъаммадулашагу шавай кира аен къавхъуссар. Ванал дурсса ххалли-ххаллилсса эмаратругу Марокколийра лирчиссар.

- – Гъумуксса оьрчъиврия яла яргми асарду цукунсса бур?
- Шардаллил давурттугу дурну, амудадахъ бярав итабакъи чайссия. Гъухъаллал чиви бярав! Бярнил ккурккайх ялавай чанардай ччехру бигъайссия, душвавра «Гъунназа» тий, кунницун кув лавчун, «поезд» бувну, микъирайх ялавай. Чиви бярав конькардай бигълан лавхъуну, яла Хъун бярав, Ханнал бярав лагайссияв жулва «гъунард» ккаккан буллан. Дикъайвача ца тьяхъсса, оьрмулия ххарисса чун. Тачъав хъамакъабитай, Хъун бярил дянив чюлугу бувсса хъунмасса елка бивхъусса чун. Щалва бярил ялтту лампочкартшассалсса ххаллугу дурцуну! Та чумал микку хъинну ганзсса бикъайва, бюкъаврия ниьгу ча дикъанессия?! Буччиннин ччехру бигълай, шалва шагърулул оьрчъу бяравъя бикъайсса! Уттирив нажъгъу цуцъав ххал къашай! Ххаришиву дикъайссия хъуннасса ницал ххорху дурну нанисса ччиннай шябивкун ччарнил лагма буклангу. Ччинну кунни кув акъадахълан, арх къадуклан, дянив хъунмасса чаругу бивхъуну, шябитайссия оьрчъу, душру, къаврду ххуйну гъаеншиврул. Школа-

лийсса дуккаврил чунгу лахълан гъира бутлагисса дия. Учительталгу ххаллилсса бикъайва, загу лахъхъин байва. Классиртал бяст-ччал бикъайссия, цумур класс ххуйну дуклай бурив ххал байссия. Бизар хъанансса чун къадикъайва, чъарусса кружокирттайн лагайссияв ттулва чунархъал душваврашал. Школалул радиоузел зий бикъайва, гъарца переменалий бусайссия школалул оьрмулия, хъанахъимунья, агъамсса масъаларттая. Къавккисса иш хъурчагу, мугу дащуй бишайссия. Пионертал бикъайссия октябртанал жожа тыйталну бивтун, гайннаха аякъа дуллай. На бувчунув школалул пионертурал дружиналул председателъну. Хъунама пионервожа тыйну уссия Дандаев Хъажи тисса, хъинну ххуйсса тарбиячи. Мунал на 6-мур класраву дуклакийни, яла лайкъмур душ ва бур «Артеккрайн» гъанбансса куну, путъкагу талав дурну, Къиримнавун тгайла бувккунава, бигъалаган. Дагъусттаннаьсса 12 оьрчъи ва дуьбсса жул группа 1963 шинал майрай 40 гъантлий бигъалаглай бивкиссар, хъакъинусса кынигу дакъния къадуккай та караматсса Къиримнал тгайабьт, шагъруду, зунттурду: Роман-Кош ва Аю-Даг – Медведь гора учай танийн, хъхъирийн къус бивкун шин хъачълачъисса цухълуха лавхъхъусса буну тий. Тикку, СССР-данул гъарцагу мурицния бувкисса пионертурашал хъусса дусшиву, хъунмасса Кострова площадърайсса сборду, тьяхъашивуртту, ттурктуру хъамабитайсарив! Та чумал жу бусса кланай бигъалаглай бия Гагарин-



Бедиулжамал жагил заманнай

цакъгу бакъая, чъарахъацултту. Муниятуя къатгаллил билаятирттал маз лахъхъайсса вузрай бавцуссагу. Къуртал байхту, Лавашиял райОНО-райн тапшур бувнав, тайнналгу Къуппав учительница зун тгайла бувккунав. Шанна шин тайннал школалий дурссия. Яла чумуха лархъусса давурттай зун багъуна: Гъумучиял школалий комсомол организациялул секретарьну, яла бувчунув РК ВЛКСМ-рал килчинмур секретарьну.

Тиччагу бувцунав РК КПСС-рал орготделданул инструкторну, кира шинавату - РК КПСС-рал секретарьну. 1984 шинал бувхъссара Ростовуллал областьрал Лаваймур партшколалийн. Кира шинайсса очнайну дуклай бивкиссара. 1986 шинал гъан був-



Бедиулжамаллул буттал ппу, Паччахънал ичъаллил заргал Махъаммад Щурпаев (кяхма)

нул кулпат цила кивагу мюршисса душнишал. Жул дружина бия «Морская», анжагъ цаппара метрардал тийнмай Лухъи хъхъириягу. Чъавуну жу буцайвав катердай Лухъи хъхъирийх гайз бан. Жул хъири вельфиннал къюкъа дикъайссия, цавай ххуйсса ххарисса чурдугу буллай, чъалай бия гай оьрчъу чъавуну ккаклай аьдат хъусса бушиву.

- – Гихунмаймур оьрмулул ххуллу цукунсса хъуна, ина оьруснавун цукун багъунав?
- Школа къуртал байхту, на дуклан бувхъссияв Дагъусттаннал паччахълулгулар университетравун, къатгаллил билаятирттал мазру лахъхъайсса факультетрайн, француз мазрал отделениелийн. Дуняял ккаккан ччай бия. Таржумачи хъун. Мияжансар, ттун гужну ххириссия медицина. Амма медициналул вузравун буххансса

нав Шамилчинмур Интернационалданул цанийсса фабрикалул парткомрал секретарьну. 1200 инсан зузисса хъунмасса коллектив бия. Фабрикалул даин шагърулул соцсоревнованиелий бугъайссия 1-мур клану. Кира шинава оьрмулул къадарданул на Владимирский областьрайсса Петушинский райондалийн бувцунав, райком партиялул секретарьну. Захъмат-жапасса 90-ку шинну дия, дуняялий хъунисса дахханашивуртту хъанахъисса. На Покровский пищекомбинатрайн зун бивкира. Райком партиялул секретарьну зузисса ппурттуву тгалавшинна дуну, Шяраваллил хозяйстволул техникум буккин багъуна. Ва техникумрал диплом бучи льякьуна, на комбинатрал технологиялул отделданийн къамул бувнав. Тания махъгу тиккува По-

Жула Роствардия

Чувшиврул дарсру дирхьунни

Сталинградуллахлусса таластаврин 81 шин шаврицун бавхуну, Дагъусттаннал Роствардиялул управлениелул аьралитурал ва ведомстволул МахIачкьалаллал соединениелул зузалтрал дирхьунни региондалул школардай хасьса дарсру. Чувшиврул дарсру хьунни МахIачкьалалив, Къизилюртлив, Къизлардай.

Роствардиялул вакилтурал бувсуна оьрчIахь Сталинград шагьрулулхусса къизгьинсса талатавурттая, Совет саллатIнал



чувшиврия. КИицI лавгуна Сталинградул талатаврил дахана дуршив Буттал КIанттул цIанийсса Хьунмасса дявйлул иш-тагьар ва мичча хьушиву душман ххит аврил дайдихьу.

Хьунабакьаврил лагрулий дуллаки оьрчIан ккаккан дурна Сталинградуллахлусса талатавриясса, тикку гьуртту хьуминнаясса документал фильму.

– Сталинград бурчлай бивкI-

сса 200 къини дурхьсар тарихравун ца яла захIматми ва чIавусса оь эки бувтIуми талатавуртту най диркIсса къинирдуну.

Талатавуртту най диркIссар гьарица къатлул, гьарица кварталданул цIаний. Сталинградуллахлусса талатавриву миллиондалия ливчусса совет аьралитурал жанну дуллулар.

Жула буржри Ватан дурчлай жанну дуллулар Вирттал дакIний битан, – увкунни вневедомственный къаралданул XIаписар полициялул майор Сураят Халикьовлул.

Шахматирттай буккавил турнир

МахIачкьалалив, А. Карповлул Шахматирттал школалий хьунни гьарица шинах Дагъусттаннал Роствардиялул управлениелул дайсса Шахма-

тирттай буккавил чемпионат.

Шикку гьуртту хьуна региондалул управлениелул шиняв подразделениерттавацца 18 зузала.

XIасиллайн бувну, цалчинмур КIану бувгьуна вневедомственный къаралданул командалул, арцул медаль лайкь дурна КIанттул управлениелул командалул, шамилчин дурккуна «Горец» ОМОН-лул команда.

Управлениелул хьунаманал хьиривчув полициялул полковник Навруз XIусайновлул барча бувна хьхьичIунсса КIанттурду бувгьуми, дуллауна медальлу ва грамотартту.

– Турнирданул XIасиллай чIа-



лачIи бунни жула зузалтрал ва аьралитурал дянив округрал чемпионатрай региондалул Управление лайкьну ккаккан дансса гужсса шахматистьтал бушиву, – увкунна ванал.

Каспий хьхьирил луртан ядаву мурадрай

Дагъусттаннал Роствардиялул управлениелул ва ре-

гиондалул ФСБ-лул дазул управлениелул зузалтрал дунни Каспий хьхьирил луртан ядавил XIакьиравусса законну дурччаву мурадрайсса мероприятиертту.

Ванийну паччахIлугьран 257 миллиондалия лирчусса арцунсса зарал хьун къабивтун бур.

Му бакьассагу, зевххуну бур 86 азарунния ливчусса балугь, 10 азарда метра балугь бугьайсса къерттарал, 95 къаяхь.

Ихтиярду дурччай структурардал ххалбигьавурттайну Каспий хьхьирийсса Tулдакъашивуртту чан хьуну дур, муку-



на цIакь хьуну дур дазуйсса ялув бацIаву.

Анриана АБДУЛЛАЕВА

Юбилейран хасну

«Лакку маз къаябарча, жува лак бакъару»

кроврай инновациялул фирмалый зий бивкIра отделданул каялувчину.

1993 шинал душ бувну, даву къаритан багьуна, 2000 шинал зана хьуссияв Гьумукун. Райондалул администрациялий зий бивкIра цIубутIуй, яла, 2020 шинайнин, Муса Маннаровлул цIанийсса музейраву. Оьрму мукун анаварсса бушилий лагайсса бурхха, хьирив лаян, шиннарди ханссарагу XIаллих хьияра учин бюхьлай бакъар.

– Таржумачи хьуну, дуниял ккаккансса хиял дузрайн къабувкьсарив?

– 1997 шинал комсомол путевкалий Югославиянавун гьан бувнав, партиялул даврий зузисса чIумал – Польшанавун, Шамилчинмур Интернационал фабрикалий зузиний оьрчIал ва нитти-буттахьал группалул хьунмурну Болгариянавун лавгьсарна. Оьрму аьрххирдай къалавгуннича, дуклай лавгунни. Райондалул иширттал отделданул каялувчину бусса чIумал, юристнал кIулушиву аьркин дагьлай, на заочнайну Автодорожный колледжту къуртал бувссар, тиккува за-

очнаймур отделениелул методистнугу зий бивкIссара.

– Вил ссил, Роза XIажиевал, лингвистика, филология язи дургьуну дур. Литература оьрчIанияцIара ххирасса дикIайвав?

– Розал школа мусил медальданий къуртал бувссия, луттирду ккалан гьирасса бикIайва, XIасавртгалгу итхьявхьсса бия. Учителгьу цIанихьсса Маммаев Нураттин ия. Ттун Розал XIасавртгацIун дархIумур элму язи дуганххива. XIакьинусса къинигу лакку мазравун къувтIуну, компьютердануха къабизай. Ттул пахру бикIай, ттулва ссил ниттил мазрал ялув буллалисса захIмат чIалай. Вайми миллатирттая ва XIат-XIасав дакъасса дулла-дуниялий жува личIи буваймур хьхьичIва-хьхьичI ниттил мазри, ниттил маз, къаябувну, хьамабитан буварча, яла жува лак бакъару. Февраль зурул 8-ний Розангу 84 шин хьанхьиссар, зулва редколлегиялул членгу бухьувкун, барча буварча ххари хьунссия.

– Чара бакъа! Роза Эльдарова чIярussa шиннардий «Илчилий» зий бикIсса журналистри, лакку маз ахттар буллалаврицIун

дархIуми дакъагу, лавайсса дарражалый аналитикалул макъалартту чичайссия, ванил текстру бусса номерду бириян къабитлай ккалаккисса чIунну дуссия. Ттунмагу личIинува бурравсса ва хьхьичIунсса педагогри, жул редакциялий бачIи душуру Роза Эльдаровал студенткахьулли. Шулдуну битаннав, оьрму лахь баннав!

– Бадиулжамал, зун мукьул пасихIшиву ниттия дирссар Tий бакьсар ттун Гьумучиял агьулдануца. Мийжансарив?

– Та заманнул агьлу луттирду, фольклор ххирасса бикIайва, назмурду дакIних кIулсса. Яхьуну дур ичIура архивраву ниттил Покровскалий дусса чIумал чирчусса назму. Чансса XIаллай ттуцIанна дурцуссия 1991 шинал, бизар хьанай дикIайва. Ттунмагу буттал КIанай ялапар хьанхьими, цала мина ядуллалисса талихIрал заллухьруну чIалан бикIайва, ниттил буруккину бувчIлай бия. Дагъусттаннайн диян дурссия, ванил къумашиву асар хьанай, лахь къаларгун, ларгуна дуняйлия. Ниттил Ватандалухьсса мякь аьч бувсса назму ядуллайнмару бусса.

Ци неьмат бунугу
Ва Владимирдай,
Жула буттал КIану
Хьамакъабитай!

КIюрххил лавай бивзун,
Чани ххал хьурча,
ХьхьичIра- хьхьичI
Вил сурат ттун чIалан дикIай!

Бюхттул зунттал бакIай
КIяла марххала
КIяла арцул хьуву
Ттун чIалан бикIай!

Зунттал ухьалусса
Бьякъу царацив
Хьюму мусил хьуну
Ттун чIалан бикIай!

Мийжанну на бура
ЗучIату архну,
ДакIнин хас бакьасса
Арх билаятрай.

Амма дакI ва аькълу,
Даиман гьанну,
Вих автIийнма бикIай
Дяхтта ва хьхьувай!

ХатIгу ххуй-я бавал, Гьумук педучилище тIитлатIисса чIумал, амулада дуклан къабив-

тссара Tий, къуману дикIайва. Нину гьарзатрал усттар дия, дарзигу дия, КIунурду кIунттива хIура къабайва мажал буний, дукрагу ххуйну дайва, хьатIай цIигьурнал кумагчия, цилва ца ххуйсса КIарагу бувна синааьршарая. Таний жулва ниттихьал дуккавил пикривагу бансса чIун ча дикIанссия, гьакьсса захIмат бувсарча жулва нитти-буттахьал жува хьуни буллай. Мюрщими классирттаву дуллакиний шинай цал лагайссияв гьарахьун къама, ини, кIут гьаян. Цинявннал цала хьурунай ххьяхан бувсса къама гьалай, иржа бикIайва, хьхьунивун багьайссияв иржа бияннин ялугьлай. Гьарахьунсса ххулугу бикIайссия хьинну утта-кIюласса, тик бивкIсса, ча-чунгу бакI-ялавай бачайсса, Гьумучиял гидроэлектростанциялул чIарах (утти гикку чарий чару къаливчIун бур, хьинну ххуйну дурсса къатри дикIайва), Хьурив нанисса ламул чIарах лавгун, дикIайссия ца ххуйсса гьарахьалу! ДакIнин дагьувкун утигума асар шай гьаллалисса иникIмалул ва нахIусса инил къанкъ...

Ихтилат бувссар
ПатIимат РАМАЗАНОВАЛ

Адабияттал
лажсинМАХИМУД АБЛИЛОВ,
Ш. СУНБАТИУЛ

Виричувнал аьпалун

Захмат кьини дучайсса
Вирттаврал бакIрачIанни,
Вирттал хьинми кIул шайсса
Мукусса кьинирдайри.

Дурккуний, кьини лахьан
Гьарцаннаша кьашайссар,
Ина тIурча, лархьунни,
Жандалий хIайп кьакуну.

Агь, ттуруллал бувгьу баргь,
Нязаннив кьаркьсса тIутIий,
ХIайп бакъаяв вил чурххай
БивкIулл мугьру бишун.

Лакрал ттуруллал ттурший,
ЛивчIуссарав цаннаву?
Жул кьиблалул дагъаний,
Дургьуссаравкьай луххал?

ЧиваркI бувкссар Къания
Буттал улкIуйх цIа дурксса,
Миннал цIа абад дунни,
Вилла жангу харж дурну.

Вирттал бувкссар чIавусса
Лакрал мюрщи шархъава,
НурмахIаммад, вил цIанни
Ми циняв абад бунни.

Хьурдай нава жагьилсса,
Ца арс увайрив ккаккан,
Вил цIа арсан дирзуну,
Муная пахру буллан.

Нину хьхьичI кьадарцIунав?
Бутта хьхьичI кьаавцIунав?
Ккуккулийсса душнишал,
Щарсса хьхьичI кьадарцIунав?

ЯхI гьавгьун ливчIуннихха
Ас-намус бусса бутта,
МурицIув шьябивкIуннихха
Ххира нину ва шарсса.

Баргь ттуруллал бувгьунав,
Бивчунав чIутIул чьвхъа,
Душмантурайн лажинну
Ина жан дуллалиний.

Ххув Заннал улайссар тIар,
КIанала уцайссар тIар,
Циванавав кIа Заннал
Вил душ ятин бувайсса?

Яллагь, вил хIавтIлил аьрши
Паммалул шану хьуннав,
ХIавтIлил хьхьичIух чарттугу
Алжаннул кьапу хьуннав!

Вил рухI хьинний дишиннав,
Пирдавс алжан булуннав,
Вин кьабуллумур оьрму
Вилва душнин булуннав!

Тти ина гьан дува чIун,
Аьршарашал дакI дачIлай,
Ниттилгу гьанссар оьрму
Вил бивкIулл дард ккухIлай.

Бивхьуну бухьурчагу
Вил чурх лухIи аьршарав,
НурмахIаммад, вил симан
Абадлий жул хьхьичI дуссар.

НурмахIаммадлухь

Вия эбрат ларсхьунссар вай лакрал жагьилтурал,
Хьардугу бувхьунссия, душманнал канийн кьагьан.
КьаувкIунни цаягу шавай аьрая сагьну,
Хьами думи, хьанничIан, дакьами - ниттихьачIан.

Кьабивтунни ятинну бунал лякьулл оьрчIругу,
Зума тIий личIан бунни аьзизсса ниттихьулгу,

Буккултрал назмурдава

Донбассрай ливтIусса
вирттавраха

Аьрасатнал Виричув НурмахIаммад ХIажимахIаммадов

Агана жагьилтурал лякьулл талихI буния,
НикирацI арс хьунссия, буттал цIарагу ядан.
Кьатлул бахтти бивкIиния, щашар махь личIанссия,
Агь, заллушар дирчIа тIий, зума тIийнма оьрму гьан.

НурмахIаммад, вил яру душру ясир байсса бур,
ОьрчIал кIантту хьарайну, хьами лихьан дансса бур.
Циваньявав ххув Заннал рахIму-цIими кьабувсса,
Ччаврил кьабувччу яру цIаннал буччин бувусса.

Циваньявав вил ниттил лухIи лаххан дурусса,
Гьайбат дусса качар чурх лахIан бан савав хьусса,
Циваньявав вил шарсса жагьилну щашар хьусса,
Буттал лажин кьакIулсса чIиви душ ятин бувсса.

Цаннив яхI гьагьан увсса ас-намус бусса бутта,
Лувату най никиран яхI бутлай гьалгьа тIисса.

Турлишар, ккуллалушар виричув накьлу шайсса,
ЩуцIи шаний кьашавай виричув кьаивчIайссар.
Виричувнал чувшиву чаннаннил дакI душивур,
Жандалийн кьини дуркний бакI чулий кьадугьавур.

НурмахIаммад, ххира арс, инагу му тIул дунни,
Душмантурайн лажинну бивкIу кьамул бувунни.
Ниттил булу ккуккулийн иман дирхьун ливчIунна,
Аммарив янин ккаккан тачIав нясив кьавхьунна.

Мурхьирай гивч хьахайсса ганил мархлун лавхьхьуссар,
Гьивчулгу тIин бивкIайсса буттал дакIин лавхьхьуссар.
Буттаван пахру бутан вингу му кьаст лархIунни,
ДакIнивусса пикригу мунир хIасул хьусса.

АьтIий-хьай хьун хьунтIиссар чIивисса чIивитIугу,
Вил яхI бусса ниттил му чивун буккан бантIиссар.
АьтIий-хьай хьуни шайссар никирацIсса ятинтал,
Амма хIайп му вил оьрму душнил лажин кьаккарксса.

ХIайпнура кьанкьа дува лухIи аьршарал дянив,
Виннамур кьисмат хьунни буттал шьяраваллилсса,
Чил кьатIув гьартанияр жучIа кьуману хьинссар,
Маччанал рухIирдашал цал-цал дакIрагу дачIлан.

Хьусрацатусса
Аликлул аьпалун

Ссавнил чIаххуврайсса Хьусрал шьяравун
МакIра кьаккаккансса чIихьра бувкIунни,
Аликлул бивкIулл банд лаган бунни
Щалва агьлу-авлад, гьанми, маччами.

Ина жан дуллунни вири нязанний,
Аьпалун личIансса наслу кьавхьунна,
Ци тахсир хьуссия вил нитти-буттай,
Вил бивкIулл кьову абадлий ккухIлан.

Тамансса ниттихьул бухьунссар Хьусрахь,
Арсру хьхьичIа лавсун, макь рутIлай ливчIсса,
Вил аьзиз ниттилгу гьан дувача чIун,
Вил зувира шинал хIисав-сан дуллай.

КIа ялувсса Заннал бугу-булай тIар,
Нитти-буттан мурад – язисса арсру,
Аммарив кьакIулли цаннив зеххайсса
Нитти-буттал умуд оьрмулунхьусса.

Хьурдай нава жагьил ца арс увансса,
Вин цIа дизаивяв «Килчинма Алик».
Алик цIа дусса арс ттулагу уссар,
Ина дакIинийн агьний, вил сура ккаркний,
Пахру булавияв шалва илданухь.

Паммалул шануну абад личIаннав
Вил утта хьачIунттал лув лухIи аьрши,
Алжаннул кьапу тIитIлай личIаннав
Кьапулул хьхьичIунсса чарил нукьунтту.

ЯхI бува, ххирама, лухIи аьршарав
МарцIсса дакIгу дачIлай хIурулгьантурахь,
Вил ххаллилсса симан, вил авкьатсса чурх
ДакIиний личIансса бур оьрмулунхьума.

Зиярат ба, нинуй, гьаттайнгу ларгун,
БуркIунттух ялугьлай кIири макь рутIа,
Мусил симандалул пиш чайрив ххал ба,
Бюхьайхха ххув Заннал зун изму булун.

ХIажимурадлул арс
Абаслул аьпалун

Ва ссут дайдихьулл дюхлусса гьантрай
Хьасухха бьвкьусса хIукьу бувккунни,
Ятинтурал мукьал чьвхъа бивчунни,
Чирисса шьяравун, ва жул СунбатIлив.

«Ххув Заннал циванни цIими бакъасса,
Иман дирхьун буна махлукьат цайнма,
Ягу ниттихьайрив тти тахсир хьусса,
Арсру аьрай ливчIун агьи тIий ливчIсса.

Бутта, ХIажимурад, изан ан хьурдай,
Ссукурау шьякIан ххира арснал.
Ятинну цалагу оьрму гьан бувсса,
АьтIий-хьай яхI буллаш шарнил оьрчIавух.

ХIурулгьантуравух яхI бува, Абас,
Аьршараву буслай миннухь хаварду,
ЯхI банссар ниттилгу вичIан дучIаннин,
Вил бивкIулл кьову кьютIа тIий занай.

Ласунссар хьхьем бургьил, цуксса ганзнугу,
Лаянссар аьршигу, лаянссар дакIгу,
Кьанкьа да, Полинай, кьучагьнал бавай,
Ххув Заннал чичрулун чаран бакъассар.

Оьрму бутантIиссар махьсса наслулул,
Пасатсса питналул ятинтал бувсса,
Оьрмурду гьантIиссар арснал шьяхьаннил,
Ялунмай хьайнугу, вивпай хьахьатIий.

Агарда рухIирдан хавар шайхьурча,
Инсаннал бакIрачIан аьршарай бувкIмур,



Ахъния хъяхханссар Ахиратлул рухI,
Арснал арснал бивкIу бухIан къавхъуну.

РухI хъинний дишиннав, къучагъсса Абас,
Алжаннаву гъаннав абадлий оърму.
Паммалул шануну хъунадакъиннав
Вил утта хъачIунттал лув лухIи аьрши.

Исмаял арс Аьдул аьпалун

Дарсса дуняллий някIсса ссавния
Хар-хавар бакъанма къув-аьс увкунни,
Ятинтурал мукъал чъавхъа бивчунни
Уссар чин чув усса чIаххувсса Ккулув.

Чи тахсир хъуссия ккуллал нартътурай,
Лякърал дардру ккухIан кIайннал ниттихъал,

Чи тахсир хъуссия мюрщисса оьрчIай,
Пасатсса питналул ятинтал буван.

Цими жагьилналли жанну дулайсса,
Цими ужагърайри ясру бувайсса,
Агана ухъурча ялув Ххувсса Зал,
Циванни къабайсса гъич рахIму-цIими.

Заннал булайссар тIар ниттихъан арсру,
Щаллу бунаншиврул миннал умудру.
Амма «бугу буцай» цала махъунмай,
Щалиххан къабивтун оьрмурдаяту.

Щамхалахъал Исмаял изан ан хъина
Ссукурау шяикIан ххирасса арснал,
Балики къавхъурча, чIун дуну-дакъа,
Хъунабакъинхъуву алжаннавува.

ХIурулъэнтураву яхI бува, Аьдуй,
Аьршараву дачIлай миннашал дакIгу,

ЯхI банссар ниттилгу вичIан дучIаннин,
Вил лавгсса оьрмулул хIисав-сан дуллау.

ХъхъичIун къабувккунав ххирасса арсру,
Ятинну личIансса хъхъичI къабавцIунав?
МакIра къаккавккунав аьзизсса ччисса
Ятинну гъан бувсса жагьилсса оьрму.

Паммалул шануну хъунадакъиннав
Вил утта хъачIунттал лухIисса аьрши,
Алжаннул къапуну тIитIлай личIаннав
ХIавтI лакъин дирхъусса чарил нуз къунттив.

Ва гъидайдихъулул гъилисса гъантрай
Баргъ лагай чулуха оьттул питна бур.
Хъун дъэвилул цIугу тихая лирчсса
Язидсса фашистгътал ххит буккан бувсса

СунбатIличув Шамиллул аьпалун

СунбатIуллал шяравун
БувкIунни къурчIи хавар,
Аьрасатнахлу талай,
Шамиллул жан дуллусса.

Хъунбуттал ХIажиналгу
СССР дурурчуссар,
Душнил арс Шамиллулгу
Аьрасат бурувчунни.

Циванни нитти-буттан
Арсру Заннал булайсса,
КъабитантIий бунува
Оьрмурдая щалиххан.

ХIайп, вил жагьилсса оьрму
ЛухIи гъаттал бувгъусса,
ХIайп, вил хъунисса яру
ХIавтIливун экъи лавгсса.

АьтIий-хъяй хъунихъунссар
Махъ ливчIсса ятинталгу,
Язугъ бур хъунна бавай
АьтIий мурчIи хъунтIисса.

Гъанссар вилмургу оьрму,
Аьршарашал дакI дачIлай,
Гъанссар щашарнилссагу
Ятинтал хъуни буллау.

Пирдавс алжан булуннав,
РухI бигъаний дишиннав,
Вин къабуллун ливчI оьрму
Булуннав вил наслулун.

Халидлул арс Мурадлул аьпалун

Вирттал ливчссар Ккулату
Ватандалийх цIа дурксса,
Мурад, вил гъунарданул
Ми циняв абад бунни.

Уссар чинсса чув усса
Вил буттал шяравалу,
Гъав лаган дуруннихха
Вил баякъу хаварданул.

ЯхI гъавгъун ливчIуннихха
Вилва нартсса уссурвал,
Зума тIутIи буннихха
Ххира нину ва гапу.

Тухум дакIний къаливчIнав,
Бутта хъхъичI къаавцIунав,
Ниттил винма буллусса
Ккукку хъамабивтунав.

Мурачухъал Халидгу,
Чаннановхъал МахIмудгу,
Амучихъал Заургу
Ккуллал чувтурал дастта.

Жаннайгу хIайп къакуну,
Аьрасат бурувчусса,
Агъалинал дакIурдив
Абадлий личIантIисса.

Школалул майданнив
Зун гъайкал дирхъуннихха,
Найма чIарах къаувккун,
Зушал дакI къадачIланхрав.

Шяраву хIурмат бусса
Аьликъадихъал тухум
Вил бивкIу дакIнийнува
Оьрмулухун личIувча.

Дуняллул хаварду
РухIиран байхъурча,
Хъунбуттал Ирбагъиннул
РухI ахъния ххирхъунссар.

Лякълул талихI буния,
НикирацI арс хъунссия,
Къатлул бахтти буния,
Щашар махъ личIанссия.

Вил рухI хъинний дишиннав,
Пирдавс-алжан булуннав,
Винма къабуллу оьрму
Уссурвавра булуннав.

Яллагъ, вин хIавтIлил аьрши
Паммалул шану хъуннав,
ХIавтIлил хъхъичIух чарттугу
Алжаннул къапу хъуннав.

Инагу къянкъа дува,
Аьршарашал дакI дачIлай,
Ниттилгу яхI буванссар,
Аьрши лаллай – дакI лаллай.

Къаккакканнав тачIавгу
Нитти-буттан лякълул дард,
Къагъаннав ахиратравн
Мурадирайн къаивма.

МахIмудлул аьпалун

Виричувнал чувшиву
Чаннаннил дакI душивур,
Душманнал мурад кIул бан
Ганан данди ацIавур.

Ватандалийн дуркксса
ЗахIматсса къини лахъан
Вила хушрай лавгунна,
Сагъну зана къавхъунна.

Буттал касму дургъуну,
Ина лавгна бурж лахъан,
Зана хъунсса умудрай
Нинугу къариртуну.

Вил чаннаннил базурду
Гъюжу бувккун лавгунни,
Вила жангу харж дурну,
Аьрасат бурувчунни.

КIяла магьилул симан
Аьршарахъхъун ларгунни,
Ччаврил къабувччу яру
ЛухIи цIаннал бувгъунни.

Мурачухъал Халидлул аьпалун
Гъалмахчув ина хъунна,
Буттал шяраваллия
Хаварду бусласира.

Уссар чинсса чув усса
Вил буттал шяравалу
Гъав лаган дуруннихха,
КъурчIисса хавар бувкIун.

Хъунбуттал ва гапулгу
Гъан банссар аьтIий оьрму,
Вила аьзиз ниттилгу
Къуманна гъанссар чIунну.

Ниттихъалли дурхIусса
Арсру ливтIун лякълул дард,
Вил ниттилгу духIанссар,
Вил къюву касил дуллау.

Бухъурчагу чурх бивхъун
Абадлий аьршараву,
Ади-къардаш, вил симан
Дакиниву личIансса дур.

МахIаммадлул аьпалун

Шамилчинсса арсри ТIаннул ЩувкIрату
Язисса бивкIуллул батIул хъун увсса,
Аьрасат буручлай, жангу дуллуну,
Халкъуннал дакIнивун абадлий увхсса.

Леонид ва Дибир – мигу вил дустал,
Ца чувшиврул ххулий жанну дуллусса.
Ххув Заннал измулий, хъул буну, бакъа,
Хъунабакъинхъуву – зу алжаннуву.

Тахсир ци хъуссия вил аьзиз ниттий,
Вил бивкIуллул къюву ккухIлайнна личIан.
Ххув Заннал циваннив цIими къабувсса,
Ца акъа-акъасса арс ятин увсса.

ЗахIматссар лякълул дард гъарцагу ниттин,
ЯхI бува, Туказман, къучагънал нинуй,
Ласайссар хъхъем бургъил, цуксса ганзнугу,
Лаййссар аьршигу, лаянссар дакIгу.

Яллагъ, хIалал хъуннав, ЩувкIуллул хъамий,
Зу буллусса ккукку зула арсавран,
Душманнал хъазамрав хъуру бивхъуну,
Ватан ядансса яхI миннан буллусса.

Леонидлул аьпалун

Леонид, вил чувшиврун
Къимат бишун бигъассар,
Вила жангу харж дурну,
Гъалмахчув ххассал увсса.

КIира шяраваллил арс,
Чувшиврий жан дуллусса,
ХIайп бакъаяв му вил чурх
ЛухIи аьршарал бугъан.

Вирттал бувкксар Ккулату
Дагъусттан бюхттул бувсса,
Жагьилминнан эбратран
Жанну къурван дурусса.

ЧиваркI ливчссар ЩувкIрату
Буттал улкIуйх цIа дурксса,
Хъиннува машгъур бунни
Вила гъунарданнийну.

Грекнал Леонидлул
Афины бурувчуссар,
Лакралма Леонидлул
Аьрасат бурувчуссар.

Леонид, вил яруннил
Душру ясир банссия,
Вил авкъатсса базурдал
Ччима лахIан анссия.

Заннал талихI буния,
Кулпат вил бикIанссия,
Лякълул талихI буния,
Наслу махъ личIанссия.

Я, Аллагъ, къаккакканнав,
Нитти-буттан лякълул дард,
Къагъаннав аьршарахъхъун
Эшкъилул къадурччун дакI.

Дибирдул аьпалун

Тийх ЩувкIуллул хIатталлий
Чувшиврийсса кIия дус,
КIиннанмагу ца къадар
Аьрасат ябаврийну.

Ниттихъан ца лякълул дард,
Арсру ливтIун ккаркксса,
Жяматран ца хажалат,
ЧиваркI чан хъун ливчIусса.

Дибир, хIакъсса зунттулчув,
Яллагъ, вил аьпа баннав,
Винма къабуллу оьрму
Булуннав вил душвавра.

Ца-цанналгу къариртсса
Зиризавал дунял,
Къариртунни инагу,
МахIрум бувну махъмигу.

Подполковникнал лишан
ЛухIи гъаттав аьянссар,
Гъаттал ялув хъяхханссар
ОьрчIаяр ххуйсса тIутIив.

Ниттихъал духIлай буссар
Арсру ливтIун лякълул дард,
ДухIанссар вил ниттилгу
Ялуннай хъяй, вив аьтIий.

Бутта сагъну уния,
Хъярч махсарарду буллан,
Вил бивкIуллул къювулул
ВацIравух вай гъанссия.

Хъун буттан, Рамазаннун,
Вия хавар баярча,
Алжаннул къапуйийх бакI
Бившуну муркIа банссар.

ТIаннул ЩувкIрав цIа дурксса
Та Дивиравхъал тухум
БивкIувча яхI буллайна,
Вил бивкIу дакIнийнува.



Лакрал халкъуннал учаларттава

Ккаччив кунма, бавкъуну бур.

Ккурччуйн нагь экъи ларгун дур.

Кьалпсса дуснаяр тIайланасса душман хьинссар.

Кьиргьулун хьатIуяту дус къащайссар.

КIарттул бувсса ччатI, КIанттул бувсса оьрчI.

КIия мискин акьирчан, ца авадан шайссар.

КIуллун – бала, ччитун – хьатIи.

КIуллун ччитугу яла оьмур жанаварди.

Кьунттулу ххютуй шану лахъавияв, шатри бакъания.

Лаххия лякъин бигьассар, дус лякъин захIатссар.

Мискиннал ччатI къьирину-гу, ихтилат нахIуссар.

Мьякъсса дуснан щин дула.

Мудан щин КIунтIа тIурчан, чарийгумали ккутI шайссар.

Мукьвагу хьхьимичI КIяласса няс.

Мурхь бугьайсса мархралли, инсан угьайсса дусшиврулли.

МусичIа дукнилугу пар чайссар.

Мурхь шатлул вивхри кьуркьу байсса.

НахIу мукьун – нахIу махь.

Нава ччинал ччанналу, къаччинал къабакIраву.

Оьрмулул гуж дусшиврувур.

«Аьрасатнал чичулт – фронтран»

Ларгсса ножмардий Дагъусттаннай «Аьрасатнал чичулт – фронтран» тIисса патриот зумунусса акциялул дайди хьунни. Ва мероприятие дунни МахIачкъалалал 54-мур шко- лалий, СВО-лул Аьрасатнал цалчинма Виричув НурмаIаммад ХIажимаIаммадовул нину, Дагъусттаннал лайкъ хьусса учитель Сапижат Мазаевал каялувшиву дуллалисса школалий. Вара къьини дунни Расул ХIамзатовул «Аьрасатнал саллатIтал бивкIу бакъасса полкраву» тIисса, Дагъусттаннал бакIчи Сергей Меликов- лул кабакьаврийну итабавкъусса луттирал презентациягу.



Николай Иванов, Сапижат Мазаева, Марина Колюбакина



Аьрасатнал ва Дагъусттаннал Чичултрал союзирттал уртакъну хIадур дурсса ва мероприяти- лий гьуртту хьуна ХIукуматрал хьунаманал хьиривчув Мус- лим Телякавов, Дагъусттаннал бакIчинал маслихIатчи Людми- ла Авшалумова, Дагъусттаннал Чичултрал союзрал хьунмур, халкъуннал шаэр Марина Колю- бакина (АхIмадова), вава союз- рал Лакрал чичултрал секциялул хьунама Супиян Оьмаров, Хал- къуннал Мажлисрал КIулшиву

дулаврил ва элмулул комите- трал хьунмур Елена Павлочен- ко, ОьрчIал ихтиярдалсса булла- лисса Дагъусттаннайсса упол- номоченный Марина Ежова, республикалул КIулшивуртту дулаврил ва элмулул министр ЯхIия Бучаев, Печатьрал ва информациялул агентстволул хьунаманал хьиривмур Наида МахIаммадова, «Литературалул Дагъусттан» ва «ЧIавалачин» журналлал хьунама редактор Мурад АхIмадов, СВО-лий жан- ну кьурван дурсса вирттаварал шахьами ва оьрчIру.

Аьрасатнал Чичултрал союз- рал председатель Николай Ивановлул бувсуна, Сириянава зана хьуну махь НурмаIаммад назмурду чичлай ивкIшиву, Чи- чултрал союзрал хIукму бувши- ву НурмаIаммад Аьрасатнал Чичултрал союзравун къамул уван ва дунияллия лавгун махь, укунсса ишгу Аьрасатнаву ва- ниннин къавхьушиву. Ванал НурмаIаммадлул билет Сапи- жатлухьхьун буллауна.

– На зушал ххари хьанай ура, укун ххуйсса школа, преподава- тельтал, директор чIалай. Ххал- лилсса агьлу ва бюхттулсса тар- их бушиву чIалай. СВО-лий Дагъусттаннал къьини чувши- врий лархьшиву ккаккан бунни дунияллул, – увкуна ванал.

«Ва школалия патриотизм зумунусса тарбия дуллалисса лавайсса даражалул центр хь- ну бушиву чIалай бур. Хьунма- сса хIал къахьурчагу щусса шко- ла тIивтIуну, хьинну хьуннасса даву дурсса ва дуллалисса чIалай бур, низам дур, дуклаки оьрчIру ххуйну хIадур хьуну бур.

Сапижатлул жун, экскурсия бувну, школагу ккаккан бувна. Библиотека луттирдах мюхтаж- ну бусса чIалай бур. Чичултрал союзрал луттирдал чулуха ку- маг буван махь буллауна, жува- гу шаймур буванну. Аьрасат- нал чичултрал акциялул дай- ди хьу Дагъусттаннай дуваври- ву чIалай бур жула Виричувнал чувшиврул хIурмат бушивугу, Расул ХIамзатовул «Аьрасат- нал саллатIтал бивкIу бакъасса полкраву» тIисса лугу жагьилсса хIапсарнал аьпалун хасну ита- бавкъуну бушиву», – увкуна Су- пиян Оьмаровлул.

Патимат РАМАЗАНОВА



Газета «Илчи» (Вестник)

Учредитель: Агентство информации и печати Республики Дагестан

Хьунама редактор: Кьардашов Р. Аь. Тел. 66-00-59

Хьунама редакторнал хьиривма: Башаев Р.М. Тел. 66-00-59

Редколлегия: Адамов АьбдурахIман МахIаммадович Аьбдулаев Сапарбаг Аьлиевич Аьлиев ХIажи Сулайманович Исрапилов Артур Анварович КьурбанмахIаммадов Чанкура Рама- занович Маммаев Сулайман Нурагтинович МахIаммадов Юсуп ХIамидович Хаппалаев Аслан Юсупович Хасаева Гульшан Рамазановна ХIажимирзаев Зиябуттин Абусупиянович Шалласуев Шалласу Рамазанович Эльдарова Роза ХIажиевна

Отделлал редактортал: Аьбдулаева А. П. Аьдиллов ХI. А. Рамазанова П. ХI. Тахакаева З. К.

Корреспондентьгал: АьбдурахIманова З. Т. Аьлиева Б. Д. Саидова И. А.

Корректор: АхIмадова А.И.

Кказитрал компьютерданул цех: Абакарова К. Н. ХIажиева З. У.

Кказитрай дурксса макьаларттаву КIицI лавгмур тIайлашиврул жаваб дулайссар чивчуманал. Редакция макьалалул залуннал пикри- лий рязину бакъахьурчагу, макьала рищайссар, жьаматрал цаламур пикри бусанссар тIисса ниятрай. Кказитрайн дуркIсса макьаларттайн рецензия къа- чичайссар ва ми залуннахьхьун зана къадайссар.

Кказитр буккайссар ножмардий цал. Шинай итабакьайссар 52 номер.

Кказитрал индекс. П7046 Тираж – 2002 экз.

Адрес редакции и издателя: 367018, г. Махачкала, пр-т Насрутдинова, 1а e-mail. ilchi@rambler.ru http://ilchi.info Тел./факс. 66-00-59

Газета «Илчи» зарегистрирована Управлением Федеральной службы по надзору в сфере связи, информа- ционных технологий и массовых коммуникаций по РД. Рег. ПИ № ТУ 05-00424 от 30.04.2019


Газета «Илчи» отпечатана в типографии ООО «Издательство «Лотос». 367018, РД г. Махачкала, Пр-т Насрутдинова, 1а Срок подписания в печать 19.00. Подписано 19.00.

Цена свободная



4 651116 280051

МАХIАЧКЪАЛА



Гъавалул тагьар

